

摘藻堂四庫全書薈要

子部

欽定四庫全書薈要

子部

御定淵鑑類函卷一百二十六

七

詳校官兵部主事臣雷純

日紀的詳校



欽定四庫全書薈要卷一萬一千五百七十四

子部

御定淵鑑類函卷一百二十六

政術部五

禁令

典法

簿書

要會

德化

禁令一

禮部尚書曰王曰嗟六事之人予誓告女左不攻於左女

不恭命右不攻於右女不恭命御非其馬之正女不恭
命用命賞於祖不用命戮於社予則孥戮女 又曰王
曰爾尚輔予一人致天之罰予其大賚女爾不從誓言

予則孥戮女罔有攸赦 戰國策曰顏蠋曰昔者秦攻
齊令有敢去柳下季壟五十步而樵采者死不赦 史
記曰秦始皇三十四年丞相李斯曰異時諸侯並爭厚
招遊學今天下已定法令出一諸生不帥今而學古以
非當世惑亂黔首如此勿禁則主勢降乎上黨與成乎
下禁之使制曰可 韓子曰董闕於為趙上地守行石
邑山中深澗峭如廡深百仞問其左右人曰嘗有人入
此者乎對曰無有關於喟然大息曰吾能治矣使吾法

猶入澗之必死則民莫敢犯何為不治 論衡曰淮陽

鑄偽錢吏不能禁汲黯為太守不壞一爐不刑一人高

枕安臥而淮陽政清 彙苑詳注曰孝武時李曾為趙

郡太守令行禁止并州丁零數為山東害知曾能得百

姓死力不敢入境 問奇類林曰明皇嘗賜醑三日上

御五鳳樓觀者喧溢樂不得奏金吾白梃如雨不能過

上患之高力士奏河南丞嚴安之為理嚴為人所畏請

使止之安之至以手板繞場畫地曰犯者死於是三日

指其畫以相戒無敢犯者 冊府元龜曰權懷恩以威

名御下人吏重足而立出為宋州時汴州刺史楊德幹亦以嚴肅與懷恩齊名懷恩路由汴州見新橋中塗立木以禁車過者謂德幹曰一言處分豈不得何用此為

韓愈柳子厚墓銘曰元和中出為刺史得柳州既至歎曰是豈不足為政邪因其土俗為設教禁州人順賴又貝州司法參軍李若墓銘曰其在貝州其刺史不悅於民將去官民相率謹譁于瓦石胥其出擊之刺史

匿不敢出州縣吏不敢禁司法君奮曰是何用爾屬小吏百餘人持兵仗以出立木而署之曰刺史出民有敢觀者殺之木下民間皆驚相告散去 宋史曰道學盛於宋宋弗究於用甚至有厲禁焉後之時君世主欲復天德王道之治必來此取法矣

禁令二

原慎出

防踰

慎乃出令令出惟行不惟反 大為之防民猶踰之注言嚴令尚不能禁

后施

民悅

易后以施命告四方 禮發號出令而民悅謂之和

滋彰

實過

法令滋彰盜賊多有

不再

無遷

事不再令
莊子無遷令

禁非

發命

易理財正辭禁民為非
曰義發命之不衷

斷牛祭

毀房祀

第五

倫字伯魚為會稽太守俗多淫祀人常以牛祭神有食牛不薦者病先為牛鳴然後死倫斷禁樂巴字叔元

為豫章守郡多山川鬼怪人破貨祈禱巴素有道術能役鬼神悉毀房祀翦治姦巫遂絕百姓安之

雷

在山 風偃草

詩殷其雷在南山之陽注云殷雷聲也
山南曰陽雷以諭號令在南山之陽又

諭其在外召南大夫以王命施號令也
論語君子之德風小人之德草草上之風必偃

命以防

微 禁以齊眾

禮記鄭注云命令也謹案用教令以禁人之欲惡也
王制云執禁以齊眾不

赦過鄭注云赦為人將易犯也

結信止訟

懲肆去貪

周禮司市云以質劑

結信而止訟鄭注云賢劄謂兩書一札而別之也左
傳云齊豹為衛司寇守嗣大夫作而不義其書為盜邾
庶其莒牟夷邾黑肱以土地出求食而已不求
其名賤而必書此二物者所以懲肆而去貪也
外內

時禁 先後刑罰

周禮宮正云辨外內而時禁鄭注云
分別外人內人禁其非時出入周

禮士師之職以五戒先後刑罰毋使罪麗於民一曰誓
用之于軍旅二曰誥用之于會同三曰禁用諸田役四

曰糾用諸國中五

去其奇衰 為之律度

周禮宮正
云去其淫

曰憲用諸都鄙
急與其奇衰之民鄭注曰氏宮中史之家人淫放濫也
急懈慢奇衰譎觚非常禁兵書有譎觚之人謂譎詐禁

出觚角非常也左傳曰古之王

者並建聖哲為之律度與之法制

禁野橫行 禁山

為苑

周禮野廬氏曰禁野之橫行徑踰者鄭注曰皆為
防姦也橫行妄由田中徑踰射邪趨疾越隄渠也

周禮雍氏云禁山之為苑澤之沈者鄭玄注云為其就禽獸魚鼈自然之居而害之

武威殺

子 羌胡自刺

後漢張奐為武威太守俗二月五月生子及與父母同日者悉殺之奐嚴賞罰

重殺子之令風俗遂改 又鄭訓字平叔為護羌校尉

羌胡約病死每臨因輒以刀自刺問有因疾者輒拘

縛束不與兵刃使醫治

不令而行

罔有不臧

論語曰其

療愈者非一小大感悅

身正不令而行其身不正雖令不從 尚書曰發號施令罔有不臧

苟臨人之有失

則雖令而不從

增戒家嬉

禁游食

晉書王沉為婺州刺史下令曰

革俗之要惟在敦實學將史子弟優閒在家必致游戲傷毀風俗可不教之 隋書汴州殷盛多姦飲令狐熙

為刺史首禁游

立碓井

置斛斛

北史後魏高祐為西兗州刺史令一

食并抑工商

家之中自立一碓五家之外共造一井以供行客禁婦人寄春取水冊府元龜曰趙賢通為冀州刺史市井

多奸詐乃為銅斗鐵斛置之於肆百姓使之

戒淫風

助禮聘

後漢書駱越之民無

嫁娶禮法各因淫好任延為九真太守厲戒屬縣淫風令男自二十五至五十女自十五至四十各以年齒相

配又九真民貧無禮聘者令長史以下

斥淫祠

復社祭

孔帖云陳子昂言巫鬼淫祠熒惑人者務在嚴斥唐書高宗永徽中張文瑞為建州刺史下

令曰春秋二社本以為農此州獨廢近歲不登不祭先農所致乎其復舉之

農時差品

蠶月頒樣

冊府元龜曰山陽太守秦彭蠶田數千頃每農時親度頃畝差為三品吏不容奸

曰北齊蘇瓊守清河每蠶月豫下蠶絹度樣于部內禁違式

流民設禁

僑人歸

本冊府元龜曰蘇則為金城太守流民歸者數千家明

設禁令干犯者輒戮

隋書令孤熙為汴州刺史凡

僑人逐

許捕魚鼈 禁網鳥雀

晉書荊州峴方二山
澤中舊禁百姓捕魚

令歸本

鼈劉弘為刺史令曰禮名山大川不封與共其利遠改

此禁 韓愈張君墓銘曰君諱署河間人改虔州刺史

民俗多網生鳥雀相賣買

班令他郡

刻誓鄉亭

冊府

時節脫放祈福君立禁止

元龜曰秦彭守山陽詔以所立條式班令州郡

條

又曰王景為廬江太守刻誓於鄉亭令民知常禁

教父老伍長

訓敕令尉掾史

漢書黃霸守潁川為條
教置父老伍長班行民

間諭以為善防姦之意

又王尊為安定太守敕屬

縣令長丞尉毋以身試法又訓掾史功曹各自砥礪

助太守為治其不中用

趣自避退毋久妨賢

禁令三

原不掩弱不暴寡

淮南子曰黃帝治天下使強不得掩弱衆不得暴寡人民相保而不失也

春無奪農夏無奪功

太公曰民有三械知之者昌不知者亡春無奪農夏無奪功秋

無奪斂冬無奪藏此仁人之王機也

巽以申命

易曰重巽以申命謹案上下俱巽申勅號令也

先甲

易先甲三日後甲三日謂出令也

先庚

又曰先庚三日後庚三日義同上

禁蹏而去盜

周禮司市云以刑罰禁蹏而去盜鄭玄注刑罰懲徇扑也案徇舉以示其地之衆也

扑撻也鄭司農云

禁偽而除詐

又云以實民禁偽而除詐鄭注云實民胥

憲罰播其肆也

師賈師之屬必以賈民為之者知物之情偽與實詐

謹原蠶

周禮馬質注云原再也天文辰為馬

蠶書蠶為龍精月直大火則浴其種是蠶
與馬同氣物莫能兩大謹再蠶為傷馬

禁物靡

周禮

司市云以正令禁物靡而均市鄭注云
物之靡者易售而無用禁之則市均也

奇服怪民不

入宮

周禮鄭注云奇服非常衣怪民狂易也

塞阱杜獲

周禮雍氏職曰秋令塞阱杜獲

鄭注云阱穿地為壑所以禦禽獸獲作鄂也墜地阱淺
則設作鄂于其中秋而杜塞阱獲收刈之時為其陷害
人
也
幾酒 周禮萍氏幾酒鄭注云苛察沽買過多及非時者
謹酒 鄭注云使民節用酒

也
命夫過市罰一蓋 命婦過市罰一帷 夫人過

市罰一幕

周禮司市云國君過市則刑人敕夫人過市罰一幕世子過市罰一帟命夫過市罰一蓋

命婦過市罰一帷鄭注云謂諸侯及夫人世子過其國
之市大夫內子過其都之市也市者人之所交利而行

刑之處君子無故不游觀焉若游觀則施惠以為說也
國若則赦其刑人夫人世子命夫命婦則使之出罰異
尊卑

宅不毛者有里布

周禮載帥注云謂不樹桑麻也

家之泉泉錢也以其流布則謂之布
以其轉易不窮則謂之錢布者也

田不耕者出屋

粟

又云空田者罰以三家之稅
粟以供吉凶二服及喪器也

不耕者祭無盛

周禮闕帥

云凡民不耕者祭無盛鄭注
云掌罰其家事盛黍稷也

不畜者祭無牲

又云凡庶民不

畜者祭無牲注云牲羊豕屬
也庶民不養者祭不得用也

不蠶者不帛

又云凡庶民不蠶者

不帛注云不
帛不衣帛也

不績者不哀

又云庶民不績者不哀注
云不哀喪不得衣哀也皆

所以恥
不勉

莫子弄蜂自求辛螫

毛詩小苾萇注云弄蜂
學也此戒羣臣曰汝

無敢掣曳我者為謫詐不可信若如是自求辛毒也

奮鐸以令

月令云仲春之月雷乃發聲始

電蟄蟲咸動啟戶始出先雷三日奮木鐸以令兆民曰雷將發聲有不戒其容止者生子不備必有凶災

振鐸於朝

禮明堂振鐸於朝天子之教令也鄭注天子將發號令必奮木鐸以警衆也周禮小宰職

云正歲帥治官之屬而觀治之法狗以木鐸不用法者國有常刑鄭注木鐸木舌也文事奮木鐸武事奮金鐸

圭璧金章不粥于市

王制鄭注云不示民以奢與貪也成於善也

禽獸

魚鼈不中殺不粥于市

王制鄭注云殺之非時不中食也

布帛精麤

不中數不粥于市

鄭注云凡以其不可用也

五穀不時果實未熟

不粥于市

鄭注云物未成不利人也

表裘不入公門

鄭注云表裘外衣也

振絺綌不入公門

鄭注云振讀為衿衿單衣也葛之精曰絺麤曰綌

獺祭魚

然後虞人入澤梁豺祭獸然後田獵

王制云云又曰鳩化為鷹然後設罝

羅草木零落

昆蟲未蟄不以火田

王制注昆明也明蟲者得陽而生得

然後入山林

陰而藏也

不殺胎不斃天

王制不麝不卵不殺胎不斃天不覆巢注云重傷未成物也斃

斃也
斷殺也少長曰天胎懷也

謹闕塞徑

月令孟冬謹闕梁塞蹊徑注梁橋也蹊徑鳥獸道也

不與世子同名

禮記鄭注云避借倣也其先之則為改也

倒筴側龜於君

前有誅振書端書於君前有誅

禮記注云臣不豫事不敬也振去塵也端正也

無君者不二采

禮記鄭注服玄端也

士不衣狐白

禮記注云避君也狐

之白為少意也

知防

禮

知禁

示民知禁

讀邦法

禮懸敬象之法于象魏屬

民而讀邦法布德和令

讀時令

月令

遽令

驛馬軍書

憲令

君之憲令

不得以地與

春秋鄭伯以壁假許田穀梁傳曰假不言其言以非假也非假而曰假諱易地也禮

天子在上諸侯不得以地相與也

不得以屬通

春秋鄭伯使其弟禦來盟穀梁傳曰諸侯

之尊弟兄不得以屬通其弟云者以其來我舉其貴者也

議事以制

春秋傳曰鄭人鑄刑書叔

向使遺子產書曰昔先王議事以制不為刑辟懼民之有爭也

民不遷農不移

異子春秋

晏子對于齊侯曰在禮家施不及國民不遷農不移工賈不變也

五大不在邊五大細

不在庭

左傳云楚王問申無宇曰棄疾在蔡何如對曰臣聞五大不在邊五大細不在庭親不在外羈不在

在內鄭丹在內君其少戒

不墮山不崇藪

國語曰周靈王二十二年穀洛鬪將毀王宮工

欲墮之太子晉諫曰不可晉問占之長民者不墮山不崇藪不防川不竇澤夫山土之聚也藪物之歸也川氣

之導也澤水之鍾也

裔不謀夏夷不亂華

左傳云夏公會齊侯于祝其實夾谷孔丘

相犂彌言于齊侯曰孔丘知禮而無勇若使萊人以兵

劫魯侯必得志焉孔丘以公退曰士兵之兩若合好而

裔夷之俘以兵亂之非齊君所以命諸侯也裔不謀夏

夷不亂華俘不干盟兵不逼好於神為不祥於德為愆

義於人為失

始禍者死

又云趙魏涉宥以邯鄲叛司馬籍秦圍邯鄲邯鄲午荀寅

之甥也荀寅范吉射之姻也而相與睦故不與圍邯鄲

將作亂董安于聞之語趙孟曰先簡諸趙孟曰晉國有

命始禍者死

越職即死

韓非子曰韓昭侯醉而寢典冠者見君之寒加衣於君上

為後可也

昭侯覺罪與衣以為失其事罪典冠以為越職非不惡
寒也以為侵官之害甚于寒故明主之畜臣臣不得越
職而有功
越職則死

無障谷

公羊傳何休注曰無障斷川谷專
水利也水注川曰谿注谿曰谷

無貯粟

何注曰有
無當相通

所存者命

穀梁傳云若之所以
存者命也為人臣而

侵其君之命為用是不臣也
為人君而失其命是不君也

禁河伯娶婦

西門豹
詳縣令

法令由一

史記秦始皇本紀云二十六年丞相奏曰
今陛下興義兵誅殘賊定天下海內為郡

縣法令由一統自上古以
來未嘗有五帝所不及也

禁弓弩

公孫弘奏民不得
挾弓弩吾丘壽王

曰恐邪人挾之吏不能止良民自
備而抵法是奪民救也弘詘伏之

條教初若煩碎

漢書

黃霸為潁川太守為條教務節用殖財米
鹽靡密初若煩碎然霸精力能推行之

禁署吏以

富者

前漢書王尊為安定太守府丞悉署史行能分別白之敕毋以富者謂賈人百萬不足與計事

禁漁採

詳商

珠禁

禁採珠

火禁

詳寒食

王吉斬不舉子

王吉為沛相人生子不養者斬其父母以上棘合理之云

禁山公娶嫗

宋均字叔庠為九江

守浚道縣有唐后二山人共祝之眾巫因娶百姓男女為公嫗歲改易既而不敢嫁娶均到今日為神娶者娶

巫家女

鄭惓罪不舉子

鄭惓字文公為下蔡長民生子相沿率不舉惓重設法百

事遂絕

國禁

官禁

增赦後出令

冊府

姓初畏罪後稍豐給男女悉以鄭為字

元龜曰陽球號令辰明會大赦遺平原相出令曰前莅

高唐志禁姦鄙令一齣往愆期諸後致若受教之後仍

不改姦狀者不

得復有所容矣

謂予不信明如皎日

晉書王沉為婺州刺史宣令所

屬士庶能陳長吏之可否說百姓之所苦者給穀五百斛若直指刺史政寬猛令剛柔得中者給穀千斛謂予不信明

不得階緣免役

又云庾亮鎮武昌令曰臨川臨賀二郡並求修復學校可

如皎日
許之若非束修之流禮教所不及而欲階緣免役者不得為生

丁寧款密

又云劉弘為荊州刺

史每有教令手書付守相必丁寧款密是以人皆感悅令下爭赴之

所下條教甚有義

理又云殷仲堪領晉陵郡禁產子不舉及久喪不葬者所下條教甚有義理

饑儉限令用

錢冊府元龜曰劉秀之為梁南秦二州刺史時漢川饑儉秀之限令用錢百姓受其利

杜民戶

勒客船隋書令狐熙為汴州刺史民有向街開戶者杜之客船停于郭外星居者勒為聚落令行禁止

稱為良政

禁令四

增制唐蘇頲禁斷錦繡珠玉制曰朕聞召公曰弗作無
益害有益孔子曰奢則不遜儉則固叔代遷訛僻王驕
縱惟崇玉杯象箸不勝捐金抵璧朕在幼沖每期質樸
手未曾持珠玉目未曾觀錦繡自寅奉休圖勉康政道
嘗想漢文衣緜之德晉武焚裘之事竟未能令行禁止
敷本棄末朕甚懼之今王侯勲戚下洎厮養雕文刻鏤
衣紉履絲習俗相誇殊塗競爽有妨於政無補於時豈

朕言之不明教之未篤也且一夫一女不耕不織則天下有受其饑寒者今四方晏如而百姓不足豈不以尚於珠玉珍於錦繡墾田疇而奪其務出布帛而害其功歟其珠玉錦繡等自今以後切令禁斷

增勅唐蘇頲禁斷女樂勅曰自有隋頹靡庶政雕弊徵聲徧於鄭衛銜色矜於燕趙廣場角抵長袖從風聚而觀之浸以為俗朕方大變澆謫用清淄壺眷茲女樂事切驕淫傷風敗政莫斯為甚自今以後不得更然 又

禁斷大酺廣費勅曰禮存寧儉書戒無益約費嗇財為
國之本至如賜酺合宴正欲與人同歡廣為聚歛固非
取樂之意況目徇於奢是不誠也心勞於偽是不經也
自今已後兩京及天下大酺所作山車旱船結彩樓閣
寶車等無用之物並宜禁斷 又禁斷妖訛等勅曰釋
氏汲引本歸正法仁王護持先去邪道失其宗旨乃般
若之罪人成其詭怪豈涅槃之信士彼有白衣長髮假
託彌勒下生廣集徒侶妄說災祥或別作小經詐云佛

說或輒畜弟子號為和尚眩惑閭閻蠹政為甚刺史縣令職在親人自今以後宜嚴加捉搦

增碑元宋子貞中書令耶律公神道碑曰楚材字晉卿天下新定未有號令所在長吏皆得自專生殺少有忤意則刀鋸隨之至有全室被戮襁褓不遺而彼州此郡動輒兵興相攻公首以為言皆禁絕之

增判唐姚齊格對懸政象法判曰獻歲布德羣物俱新懸法施令眾官畢舉是遵往躅無昧曩憲惟甲位當司

馬職在平人載舉舊章不忘所守因天地之始和擇官
司之令典懸之象魏表一人之有法狗以木鐸俾萬方
之知禁將使國風所逮丕冒海隅王化所流率先京邑
奚金吾之妄糾在古典而斯昧

增策唐白居易對號令策曰王者發號施令出於一人
加于百辟被于萬姓漸于四夷如風行如雨施有往而
無返也故聖王慎之然則令既出而俗猶未齊者由令
不一也不一者非獨朝出夕改晨行暮止也蓋謹于始

慢于終張于近弛于遠急于賤寬于貴行于疎廢于親
則不一也 又對典章禁令策曰臣聞典章不能自舉
待教令而舉教令不能自行待誠信而行昔宓賤行化
德及泉魚非嚴行所致也推其誠而已魯恭為理仁及
春翟非猛政所驅也委其信而已又聞周公之理也周
年而變三年而化五年而定陛下苟能勤教令以撫之
推誠信以奉之則三年化成五年理定臣竊未以為遲
矣

增序元虞集禁令篇序曰戒之使避曰禁示之使從曰令一禁一令各專一事故上自朝廷下逮倡優走賤莫不備列使人知所避嚮而遠於罪

典法一

原周舊

魯初

傳採周之舊禮夫魯有初

馭害

起姦

法制以馭其害法

有起姦

無更

能用

莊子典法無史左傳能用典矣

藏盟府

施邦

國

藏在盟府可覆視也周禮太宰乃施典於邦國施則於都鄙施法於官府

儀文王

擇楚國

儀式刑文王之典日靖四方為教為宰擇楚國之令典

率由舊章

謹

爾侯度 增舉舊章 求令典 孔帖云張曲江龍池聖德頌決綻補壞蕩瑕滌

穢而闕典咸備舊章悉舉 又曰李翰屯田頌 明練 序聖上叶食宵興求古今令典可以濟斯民者

典故 增損儀矩 孔帖曰李吉甫為太常博士年尚少明練典故 又曰鄭餘慶帝患典制

不倫謂餘慶淹該前載乃詔為詳定餘慶引輯愈等為副增損儀矩號稱詳綜

典法二

原慎五典 書慎徽五典 屏棄典刑 紂 非訖於威惟訖於

富 尚有典刑 雖無老成人尚有典刑 大夫相序 大夫以法相序士以信相

考 制事典 趙宣子言為政也 三辟之興 叔向與子產書云三辟之興昏叔世

也注三代之法不起盛時

司典之後

籍談

天下公共

張釋之曰法者天下公共

法為理具

增規制遂定

孔帖云韋述先是詔修六典徐堅創意歲餘歎曰吾更修七書而六

典歷年未有所適及蕭嵩引述誤定述始纂周六官官領其屬事歸于職規制遂定

編於令

柳宗

元駁復讐議云編之於令永為國典

簿書一

增周禮曰司書掌九式九正九事以周知入出百物敘

其財受其幣

九事謂九式鈎考財幣所給及其餘見為簿書

又曰大司馬大

役與慮事屬其植受其要

要謂簿書

文獻通考曰漢和帝

永元十四年初復郡國上計補郎官漢制郡國歲盡遣

上計掾史條上郡內衆事謂之計簿 孔帖曰蘇瓌十

道使括天下亡戶初不立籍瓌請罷十道使專責州縣

豫立簿注天下同日閱止盡一月止 又曰張嘉貞遷

兵部員外郎時功狀盈几郎吏不能決嘉貞為詳處不

閱旬廷無稽牒 資治通鑑曰元和二年李吉甫撰元

和國計簿上之總計天下方鎮四十八州府二百九十

五縣千四百五十三其鳳翔廊坊邠寧振武涇原銀夏

靈鹽河東易定魏博鎮冀范陽滄景淮西淄青等十五道七十一州不申戶口外每歲賦稅倚辦止於浙江東西宣歙淮南江西鄂岳福建湖南八道四十九州一百四十四萬戶比天寶稅戶四分減三天下兵仰給縣官者八十三萬餘人比天寶三分增一大率二戶資一兵其水旱所傷非時調發不在此數 會要曰貞元十二年賀蘭正元進用人權衡十卷舉選衡鏡三卷 玉海曰開寶六年七月命參政盧多遜知制誥扈蒙張澹參

詳長定循資格取悠久可用之文為長定格三卷總二百八十七事書成上之頒為永式自是銓選益有倫矣
又曰至道元年詔重造二稅版籍頒其式於天下

又曰景德四年權三司使丁謂言戶部狀景德三年戶口數比咸平六年計增五十五萬三千四百一十戶二百萬二千二百一十四口賦入之數計增三百四十六萬五千二百九切以版圖之設生齒必登所以一具祖庸辨其衆寡前朝丁黃之數悉載縑緡國家幅隕萬里

阜成兆民唯國用之缺書由有司之曠職臣今以籍具
上史館望歲較其數以聞從之 又曰上召三司孔目
官李溥等二十七人問以計司錢穀之務溥等盡言其
利病願得條對許之送中書令宰相假以顏色令剖析
寇準曰先有司之義也溥等條上三司利害七十一事
中書參校其四十四事可行遂著於籍 錦繡萬花谷
曰丁謂撰景德會計錄後蘇轍亦仿其法為皇祐會計
錄紹興五年邇臣亦有是議名曰紹興會計錄 文獻

通考曰高宗建炎三年右僕射朱勝非等上吏部七司
敕令格式一百八十八卷

簿書二

原月要

歲會

周禮小宰月終則以官府之敍受羣吏之要注云每月之小計也 又云贊冢

宰受歲會終令羣吏致事注使齋歲盈文書來今上計也

具文

贊治

漢宣詔曰上計簿具

文而已 史掌官書以贊治贊治今起草文書也失則辟名辟名者以官刑注辟多詐作書與實不相應也

司書

案牘

主財用簿書

掌官契

善辭案

周禮五曰府掌官契

以治藏注人主財用簿書也 後漢周紆為齊相任刑法善為辭案為州內所則也

計簿書

送解式

黃霸為馮翊二百石卒史領郡錢穀計簿書以廉正見稱 公式今諸州使人送解至京二十

條已上一日付了四十條已工三日了一百條已工四日了二百條已工五日了

延年文致

呂範關白

嚴延年治獄皆文致不可得反反音幡致至密也言文案至密也 吳志初孫策吏

呂範典主財物孫權私求必關白不敢私許當時見望權守陽羨長有私用策或料覆功曹周谷為傳著文簿使無所譴問權臨時悅之及統事以範忠誠厚見信任以谷能欺更薄不用也 簿領符牒

增沉埋

煩碎

北帖曰韋蘇州高陵書情詩開卷不及顧沉埋案牘間 又曰溫彥博為

吏部汰擇士類寡術不能厭

兵數

役法

宋史曰歐陽修在兵

衆訟牒滿前時譏其煩碎

府與曾公亮考天下兵數及三路屯戍多少地理遠近吏為圖籍 玉海曰慶元二年史書許及之言法令使

民者莫切于役法請以新舊法刪潤成一書赴尚書省審訂然後繕寫進呈六年上之凡一百八十九卷

九品 七司

玉海曰天監中徐勉為尚書定百官九品為十八班 文獻通考曰淳熙元年吏部

尚書蔡洸以考官奏薦磨勘差注等條法分門編類冠以吏部條法總類為名十一月參知政事龔茂良進史

部七司勅令格式申明三百卷詔頒行焉

擁膝 據案

魏氏春秋高柔為刺姦令史夙夜匪

懈至擁膝抱文書而寐太祖見而哀之徐解衣裘覆之而去自是辟焉 孔帖曰呂諲哥舒翰節度河西表度

支判官勤總史職諸僚或出遊謹獨類然據案鉤視簿最

自昏 為樂

劉楨詩曰職事煩填

委支墨紛消散沉迷簿領間回回自昏亂 孔帖曰王播天性勤吏職每視簿領紛積於前人所不堪播反用

為樂 **絕竄簿 槪偽牒** 孔帖曰王徽進考功員外郎故事考簿以朱注上下為殿最歲

久易漫史輒竄為姦徽始用墨 又曰虛從
慮為史部精力于官偽牒說功極檢無所遺

祿秩書

人材簿

玉海曰紹興六年右相張浚上重修祿秩新
書共五十八卷 又曰三十二年工謂大臣

曰朕有一人材簿每臨朝臣下有薦揚人材者退
朝則記姓名於簿遇有選用搜而尋之無不適當

裴

遵慶強敏

苗晉卿練達

孔帖曰裴遵慶性強敏視簿
牒詳而不苛世稱史事第一

又曰苗晉卿練達事
體百官簿最一省無遺

始由踐祚萃三百餘事之詔

書

上踵中興別二十五章之役要

玉海

簿書三

原不視文書

後漢向栩字甫興為趙相
不視文書舍中生蒿菜

對簿

謂獄訟
文簿也

不改

謂工計文書不改也

舉書

多張文簿

計簿也

校簿

諸葛

亮常自校簿楊顯直入諫曰為理有體上下不可相侵云云亮謝之

增夜省文書

吳志云滕

增為太常白日接賓客夜間省文書

牒訴倥偬

孔稚圭北山移文云敲扑喧囂煩其慮牒訴倥

德擾其懷

不署擔牒

孔帖曰襄王熅借號迫羣臣作擔牒考功員外郎王徽托手弱卒不肯署

簡牘盈前

韋應物詩云束帶理官府簡牘盈目前

詔獎丁謂

玉海云丁謂上

景德會計錄詔獎之以其書付祕閣凡六卷一戶賦二郡縣三課入四歲用五祿食六雜記

簿書

填委

蘇軾詩云簿書填委入充堂

造貢籍成

玉海云乾道八年禮部尚書胡沂郎官蕭

國良造貢籍成上之

簿書四

增判唐宋全節對造帳籍判曰國之彞倫資於版籍儻或廢闕是長姦回頃者寰海徵兵編戶失業枌榆暫別蓬穉無歸聖朝提象握符再造區夏矜百姓之流蕩廢三年之典故且量地出稅據丁授田法在畫一事宜經久永言州府恤此疲人曾無革弊之規徒徇隨時之義昔漢朝倉卒猶或先收今歷代升平寧容後造租賦所繫不可憑虛豪右主藏須從撫實欲施小惠亂我大猷人有憚於暫勞國遂忘於固本州司所見頓昧通途爰叩兩端敢申獨見

要會一

增吳越春秋曰禹登茅山大會計理國之道更名其山曰會稽 周禮曰太宰歲終令百官各正其治受其會又曰小宰六敘五日以敘受其會 又曰八成八曰聽出入以要會月終受羣吏之要 又曰職歲掌賦出以待會計而考之

欽定四庫全書

御定淵鑑類函

卷一百二十六

三

注助司會鉤考辭史之計

又曰內宰歲終則會

內人之稍食 又曰縣正既役則稽功會事而誅賞

又曰巾車凡車之出入歲終則會之 又曰大司徒以

土會之法辨五地之物生注以上計貢稅之法 又曰鄉師大役

帥民徒而至治其政令既役則受州里之役要以考司

空之辟以逆其役事注役要所遣民徒之數辟功作章程 又曰小司徒

稽國中四郊都鄙之夫家九比之數乃頒比法於六鄉

之大夫三年則大比大比則受邦國之比要注大比謂簡閱民數

及財物也 又曰士師歲終則令正要會 左傳曰戎

要謂其簿 朝于周發幣于公卿注如今計獻詣公府卿寺 玉海曰衛宏漢舊

儀朝會上計律常以正月旦受羣臣朝賀天下郡國奉

計最貢獻 又曰元狩二年前上谷太守郝賢坐計謾免

師古曰計簿欺謾 又曰司馬談為太史公注漢儀注天下計書先上太史公副

上丞 又曰黃龍元年詔曰方今天下少事而民多貧

盜賊不止其咎安在上計簿具文而已御史察計簿疑

非實者案之 後漢書曰大鴻臚郡國上計屬焉郡國

常以春行縣勸民農桑振救乏絕論課殿最歲盡遣吏

欽定四庫全書

御定淵鑑類函

卷一百二十六

三

上計 又曰大司農郡國四時上月旦 桓譚新論曰
漢百姓賦斂一歲四十餘萬萬吏俸用其半餘二十萬
萬於都內為禁錢 北史蘇綽傳曰牧守令長非通六
典及計帳者不得居官 玉海曰柳冕疏聖唐稽古天
下朝集三考一見皆以十月上計京師十一月禮見會
尚書省 唐書曰天寶元年天下郡府三百六十二縣
一千五百二十八鄉一萬六千八百二十九戶部進計
帳戶八百五十二萬五千七百六十三口四千八百九

十萬九千八百 玉海曰元和間中書奏三司錢物至
年終各具所入所用數分為兩狀以二月聞奏 又曰
崔伯易曰以皇祐之書較景德之錄雖增田三十四萬
餘頃反減賦七十一萬餘斛 又曰祥符三年召近臣
觀書于龍圖閣閱元和國計圖三司使丁謂進曰唐朝
用江淮歲運米四十萬今江淮歲運米五百餘萬即今
府庫充實倉廩盈衍上曰民康俗阜誠賴天地宗廟降
祥而國儲有備亦自計臣宣力也 又曰祥符會計錄

九年林特上凡三十卷詔獎之仍付祕閣特前為三司使奉詔纂大中祥符八年天下戶口財賦凡戶八百四十二萬二千四百三口一千八百八十萬一千九百三十計入兩稅錢帛糧斛二千二百七十六萬四千一百三十三緜絲鞣草二千二百八十三萬六千六百三十六茶鹽酒稅權利錢帛金銀二千八百萬二千又曰慶歷元年詔御藥院內東門司取先帝時及天聖初帳籍比較近年內中用度增損之數以聞又曰張方平

日慶歷五年諸路監酒商稅歲課比景德會計錄增三數倍以上 又曰治平四年三司使韓絳上治平會計錄六卷詔獎諭內外歲入一億一千餘萬出一億一千餘萬 又曰熙寧七年詔三司置會計司以宰臣韓絳提舉先是絳奏三司總天下財賦其出入之數並無總要考較盈虛之法欲選官置司以戶口稅賦場務坑冶河渡房園之類租額年課及一路錢穀出入之數歲校增虧以能否為黜陟故有是命 又曰元祐三年戶部

尚書韓忠彥侍郎蘇轍韓宗道等言編成元祐會計錄
大抵一歲所收錢穀金帛等物未足以支一歲之出欲
取費用詳加裁節多不傷財少不害事詔浮費並用裁
省又曰靖國元年右司員外郎陳瓘進國用須知言
已往之費不可追未然之費所宜會

要會二

原辟名

經費

謂文簿不實也
經常也

聽出入

考財用

周禮小宰

以八成經邦治八曰聽出入以要會要會計最簿書也
月計曰要歲計曰會財用物必考于司會歲終會計

事

羣吏正成

三公受計

小宰宰夫之職歲終則令羣吏正歲會月終則令正

月要旬終則令正日成而以考其治不治不以時舉者以告而誅之

漢書

嚴助奉計最

張蒼遷計相

嚴助願奉三年計最最几要也

張蒼

侯居相府領郡國工計也

稽以簿書

辨其名物

增稍食

行

事

周禮曰宮正月終會稍食歲終會行事

掌皮

典泉

玉海曰周禮膳夫外府司裘包

人掌皮典絲典泉歲終則會

歲杪

月稽

禮記曰冢宰制國用必於歲之杪管子曰歲

一會者君也時省者相也月稽者官也

比要

簡稽

周禮曰小司徒大比則受邦國之凡

要注要謂其簿

下詳第一條

晏子

王稽

說苑曰晏子治東阿二年明工計玉海曰秦

昭王拜王稽河東守三歲不上計

會入出計中否

周禮曰天府歲終會貨賄入出

又曰占人歲終則計其占之中否

考治成會政事

上詳第一條周禮曰鄉大夫

歲終令六卿之吏會政致事

較出入會盈虧

玉海曰皇祐二年命學士承旨王堯

臣都知王守忠右司諫陳升之與三司較天下每歲財賦出入之數以間又曰嘉祐三年詔三司每歲上天

下歲賦之數自今三歲會其盈虧以聞

願復置宜復修

玉海曰嘉祐六年諫官司

馬光言民既困而倉廩府庫又虛為今之術在隨材用人而久任之在養其本原而徐取之在減省浮冗而省用之願復置總計使之官使宰相領之下詳第一條

能欺上府自稱太守

玉海曰貢禹言武帝時郡國擇使巧史書習于計簿能欺上府者以為右職後漢書曰建武十四年越蕩人

任貴自稱太
守遣使奉計

趙壹獨揖 裴諳不對

後漢書曰趙壹
光和元年舉郎

上計到京師時司徒袁逢受計史數百人皆拜伏庭中
莫敢仰視壹獨長揖逢延置上座問四方事 玉海曰

裴諳拜河東鹽鐵使入計問
權酤利歲出納幾何諳不對

詔獎丁謂 上嘉田況

玉海曰景德四年丁謂上景德會計錄詔獎之以其書
付祕閣 又曰皇祐二年田況為三司使以今財賦所
入多于景德其歲所出又多于所入因撰皇祐會計錄
略依丁謂所述集成六卷具出入之數取一年最中者
為準上

互相關鍵 總為揭貼

陸贄奏議曰唐制總
制邦用度支是司出

納貨財太府使職凡是太府出納皆稟度支文符太府
依符以奉行度支憑業以勘覆互相關鍵用絕姦欺
玉海曰乾道四年度支郎趙不敵言今一歲內外支用
之數大槩五千五百萬緡有奇賦入分隸于戶部之五

司支用悉經度支臣置為都籍會計案
名總為揭貼請付本曹自茲歲一易之

元封至泰山

太初祠后土

漢書曰武帝元封五年至泰山祠高祖
明堂因朝諸侯王列侯受郡國計 又

曰太初元年祠后土還受計
于甘泉注受郡國所上計簿

崔仁師口陳 王彥威

面奏

唐書曰崔仁師遷度支郎中口陳移用費數千萬
詔杜正倫持簿使對唱無一謬太宗奇之 又曰

王彥威開成初為戶部侍郎判度支常見太宗面奏曰
百口家知有歲計軍用一切可不謹邪臣自典計司按
見管錢糧支簿皆量入為出軍國所用
隨色占費終歲無毫釐差因工占額圖 出納奇贏披

籍可見 盈虛登耗指掌可分

玉海曰大觀中河北漕
臣任諒著河北根本錄

凡戶口升降官吏增損與一歲出納奇贏之數皆披籍
可見 又曰宣和七年兩浙運副程昌弼奏漕司以計

度經費為職臣分別科目使盈虛登耗之數可指諸掌請詔臣編纂宣和兩浙會計總錄頒之郡縣從之

要會三

增會稽

史記云禹會諸侯江南計功命曰會稽會計也

原考成

周禮以參互考曰成

受會

周禮官職以會官治各正其治受其會會大計也

受質

歲之成受質

會計

周禮司會聽其會計

會財

會算也

致事

上其計簿于君

稽事

校簿稽事

增聽其會計

周禮云天官司會掌典法則書契版圖之貳聽其會計

贊會

又曰職幣

以式法贊會事

日入月入

又云酒正日入其成月入其要小宰聽之歲終則會

唯王

不會

玉海云天官言歲終則會者十一唯王及后世子之膳禽王及后之飲酒服王之裘與皮事不會

歲終會政

又云州長黨正族師遂大夫鄙師歲終會政

納其餘

周禮云泉府歲

終會其出入而納其餘

會計其政

又云舍人歲終會計其政

盟書

又云大司寇盟

書司會受其貳藏之

命其屬

又云小司寇命其屬入會

典路

又云典路鄭注云漢朝工

計律陳屬車於庭

歲會統月要月要統日成

玉海云易氏曰冢宰天官之長

也歲終受歲會而無月要之文小宰天官之貳也月終受月要而無日成之文宰夫天官之屬也旬終止日成而無參互之文三官各舉其一而司會乃考其全會之欲其詳也歲會以統月要月要以統日成

總

綱舉目

又云尊者總其綱卑者舉其目

原質成

禮司會以歲之成質于天子冢宰齊戒受

質質于百官百官各以其成質于三官三官以百官之成質于天子然後成歲事制國用注成計會要也質平

也平其計也歲事歲計也計一歲之用

增收攬

魯語云收攬而悉納要也注因祭祀以納五穀

之要

原不從中覆

漢書云李牧軍市之租賞賜決于外不從中覆

不以時舉

詳前

增集課錄

急就篇云潁川臨淮集課錄注諸郡各上其計總會京師次其名錄

計

文不改

玉海云石慶元封四年上報曰間者河水溢陸唯史多私征求無已故為流民法以禁重賦今

流民愈多計文不改

計帳戶籍

唐六典云一歲一造計帳三年一造戶籍縣成于州州成于省

戶部總而領焉

度支掌

唐書志云度支掌租賦物產豐約之宜水陸道塗之利歲計所出支調之

三月四時

又云比部京師倉庫三月一比諸司諸使京都四時會于尚書省

錢帛

芻糧

玉海云慶歷會計錄二卷慶歷三年三司具在京出納及十九路錢帛芻糧之數

官吏

與兵及天下賦入

又云至和元年知諫院范鎮言願詔大臣考求祖宗朝速天聖中官吏與

兵及天下賦入之數而斟酌裁節之焉

鉤考中外帳籍

又云元豐官制行釐其事歸比

部參掌鈎考中外帳籍之事

五者既具

蘇轍元祐會稽錄敘云計會之實取元豐之八年其

別有五一日收支二曰民賦三曰課入四曰儲運五曰經費五者既具著之以見在列之以通表若內藏右曹之積天下封樁之實非昔三司所領不入會計將著之他書

須恢復後

玉海云淳熙六年臣

僚請為會計錄上曰向者欲為此錄緣取民太重色目太多若遽蠲則妨經費須他日恢復之後乃可盡除之

德化一

增史記曰西伯陰行善諸侯皆來決平於是虞芮之人

有獄不能決乃如周入界耕者皆讓畔民俗皆讓長虞芮之人未見西伯皆慚相謂曰吾所爭周人所恥何往為祇取辱耳遂還俱讓而去諸侯聞之曰西伯蓋受命之君左傳曰子產相鄭一年與人謂曰取我衣冠而褚之取我田疇而伍之孰殺子產吾其與之三年又謂曰吾有子弟子產誨之我有田疇子產殖之子產而死誰其嗣之經濟類編曰倪寬為左內史奏開六輔渠定水令以廣溉田收租稅時裁闊狹與民相假貸以故

租多不入後有軍發左內史以負租課殿當免民間皆
恐失之大家牛車小家擔負輸租緦屬不絕課更以最
韓愈集序曰扶風馬公總為郾曹濮節度觀察等使
鎮其地公之始至衆未熟化以武則忿而憾以恩則橫
而肆一以為赤子一以為龍蛇憊心疲精磨以歲月然
後致之難也及教之行衆皆戴公為親父母 續問奇
類林曰明道先生主簿上元時謝師直為江東轉運判
官師宰來省其兄常從明道假其僕掘桑白皮明道問

之曰漕司役卒甚多何為不使曰本草說桑白皮出土見日者殺人以伯溥所使人不欺故假之耳

德化二

原先訓

自責

魏霸字喬卿為鉅鹿掾史有過先訓之不改乃罷之或稱他史之長以激之皆

懷慙息訟

韓延壽接待下吏約擔明

知足 用情

著負之者延壽痛自刻責史皆慙悔

司徒掌十二教教民以度教節則人知足以俗教安則民不偷 上好禮則民莫敢不敬上好信則民莫敢不

用

格心

捉耳

書格其非心 劉矩字叔方為滎丘令以禮讓化人有爭訟者矩捉耳告

之以忿悉可忍

和解 諦思

吳祐為膠東相有訟者身到問里和解之民化

縣官不可入

其德自後爭訟省息 杜畿字伯侯為河東守
有訟者為陳大義令歸諦思之自後少有訟者

風動

草偃

詩序風以動之教以化之
論語草上之風必偃

丕變

胥效

書民
用丕

變

詩爾之教
矣民胥效矣

答訟主

寢訟上

田叔為魯相初到
民訟主取財物叔

答之曰主非爾主耶主聞之大慚而還財也 劉悛字
真長為丹陽尹時百姓頗有訟官長者悛歎曰居下訟
工教道也上雖不君下
不可失禮寢而不問

陳和睦

譬禍福

穎川多豪
強難治趙

廣漢惠其俗朋黨乃構會吏人令相告計由是為俗人
多讐怨及韓延壽為潁川欲改更之示以禮讓乃名郡
中長老鄉里所信者數十人設酒對訟以謠俗為陳和
睦親愛銷除怨咎之路長老以為使可施行 仇覽一
名香字季智為蒲亭長民陳元母告元不孝覽驚曰我
近過舍廬整頓此非惡人當是教化未至母守寡養孤

何肆意一朝欲致此子于不義母聞感悔涕泣而去覽
乃親到元家與母子飲因為陳人倫孝行譬以禍福之
言卒成

孝子

數五教

設四誠

書敬數五教在寬 秦懿
伯為山陽守以禮教人為

設四誠以定交親長幼之禮
導教化者權為鄉三老也

仰如日月

潤同江海

荀氏傳云藐為榆次令為政有德鳳集其境
王隱晉書應舉為南平守郡人歌之云

蒲鞭相

恥

葦杖示刑

漢書劉寬為南陽守愛
民如子 陳思王賦

願借寇君

乞留董和

東觀漢紀寇恂為潁川守賊不入境中駕南
征至潁川百姓遮道曰願從陛下復借寇君

一年 蜀志董和為成都令縣界豪強憚和嚴法說劉
璋轉和為巴東屬國都尉吏民老弱相攜乞留者數千

人

子臯為線

唐尊赭衣

成人有兄死不為線子臯
為宰乃為線 王莽太傅

唐尊出見男女不異路下車
以赭汚其衣莽悅封平化侯

庫車悉高 偽物皆棄

史孫叔敖為相王以庫車不使馬欲下令使高相曰令
數下民不知所從臣請闕里使高相乘車皆君子不能
數下車王許之居數歲民悉高其車此不致而化 頽
川人感延壽化賣偶車馬下里偽物者皆棄之市道

化民成俗

敬教勸學

化民成俗其必
由學 衛文公

閉閣思過

省俸助婚

韓延壽為馮翊令有昆弟訟田延壽曰是
教化不行遂閉閣思過訟田者疑鉗謝罪

以田相移

任誕
為九真守詳太守

學者比鄒魯

諸生執俎豆

文翁
化蜀

教人讀書學者比於鄒魯 韓延壽為潁川人家
嫁娶喪祭禮使諸生皮弁執俎豆為史人行禮

導

以德齊以禮

性相近習相遠

論語導之以德齊之以
禮有恥且格 言人同

稟五常之性趨舍相近但所習異漸積而相去遠也

鬻羔豚不飾賈

銷金石

不累日

史記孔子與聞國政三月鬻羔豚者不飾賈路不拾遺公孫弘曰虎豹馬牛禽獸不可制也

及教訓服習之至可牽持駕服唯人之從臣聞揉曲木者不累月銷金石者不累日人之于利害好惡豈比禽獸木石之類哉期年而變臣弘尚竊遲之也

風俗和平囹圄空虛

吏民富

實獄訟止息

新序云子產相鄭七年而教宣風行國無刑人漢書龔遂為渤海躬率以儉勸民

務農

增衮衣

儒服

孔叢子曰孔子相魯魯人謗曰麇裘而鞞投之無戾鞞之麇裘投之

無郵及三月政成化行民誦曰衮衣章甫實獲我所章甫衮衣惠我無私冊府元龜曰于邵為巴州刺史時歲儉夷獠相聚山澤為盜數千百人來圍州城邵遣使說喻示以善惡山盜邀邵出乃以儒服出城致之不疑

因皆降之

示無疑阻

明其教令

冊府元龜曰唐田留安武德中為魏州總管劉

黑闥之亂也山東豪猾多殺長吏以應賊凡諸守將以腹心自衛多所猜防安獨撫結所部示無疑阻但有白事者無問疎遠皆至臥內由是人情遂固又曰令狐楚穆宗時為宣武軍節度使先是汴平驕悍累逐主帥韓弘以重法繩之莫革其性楚以仁惠明其教令人遂從化

何必刑法

無不感

泣

彙苑詳注曰陸象先為劔南按察使為政尚仁恕司馬韋抱真諫曰民慢且無畏矣荅曰政在治之而已

何必刑法以樹威乎冊府元龜曰裴度為彰義節度

招撫等使既平淮揚以蔡卒為牙兵或以為反側之子

其心未安度笑而荅曰元惡就擒蔡

先驅以歸中

人即吾人也蔡之父老無不感泣

道而逃

冊府元龜曰令狐楚為河陽三城節度時烏重胤移鎮滄景以河陽銳卒三千為紀綱之僕士

卒不願去屯于境上楚聞之即疾驅赴鎮潰卒已次城北將大寇掠楚單車出迎諭以逆順兵士遂弛弓釋甲用之先驅以歸又曰陽城德宗時為道州刺史以家人法為理一不以簿書介意賦稅不登觀察使數請讓遣判官崔某往案之崔承命不辭載妻子以行中道而逃

野無遺寇 人不帶劍

益部耆舊傳曰張霸為會稽太守舉賢士勸教講授一郡慕化野無遺寇時人語曰城中烏鳴哺父母府中諸吏皆孝友 冊府元龜曰晉馮揮為靈州節度使清岡上橋之間皆氏羌俗剽掠行旅揮加以恩惠質以義信自是人 不帶劍道不拾遺

縱之見母 悉令歸家

冊府元龜曰呂元膺為新州刺

史頗著恩信嘗歲終閱獄囚囚曰某有母在明日元正不得相見因泣下元膺憫焉盡脫其械縱之及期無後至者 又曰唐臨為萬泉丞縣有輕囚十數人會春暮時雨臨白令請出之曰明公若有所疑臨請當其罪臨

名囚悉令歸家耕種至時畢集詣獄臨田是知名

不取小魚 果格猛獸

淮南

子曰季子治亶父巫馬期易容貌往觀化焉見得魚釋之巫馬期問曰凡子所為漁者欲得也今而釋之何也漁者曰季子不欲人取小魚也冊府元龜曰唐元德秀為魯山令部人為盜史捕之繫獄會縣界有猛獸為暴盜自陳願殺猛獸以自贖德秀破械出之翌日果格猛獸而還始相慈愛 咸自

款服

經濟類編曰岷俗畏疫一人病闔家避之辛公義命昏與置廳事暑月廳廊昏滿公義設榻晝夜處

其間以秩祿具醫藥身自省問其後人有病者爭就使君其家親戚固留養之始相慈愛風俗遂變 又曰後遷并州刺史下車先至獄中露坐驗問十餘日間決遣咸盡還領訟事有須禁者公義即宿廳事終不還閣或諫曰何自苦公義曰刺史無德不能使民無訟豈可禁人在獄而安寢於家乎罪人聞之咸自款服

德化三

原觀民設教

德博化光

易並

化馳如神

既見君子

德音孔膠

雨雪濛濛

見睍曰消

並毛詩

飛鵙好音

翩彼飛鵙集于泮林食我桑葚懷我好音注鵙改音喻惡人從化

汝墳遵化

詩序汝墳道化

行也文王之化行于汝墳之國

違命從好

違上所命從厥做好注言人不從上所好也

爾惟風下民惟草

書

政由俗革

道有升降

書

入其國具教可知

禮

君子之德風小人之德草

論語

以寬服民

左傳子產謂子太叔曰惟有德者能以寬服民其次莫如猛

養之以仁

敬之以禮

新序子夏云子產相鄭牧民云云

豎子不戲狎斑白不提

挈

史記云子產相鄭一年豎子云云僮子不犂畔二年市不豫價三年門不夜闌道不拾遺四年田器不歸

五年士無尺籍喪期不令而治

小人不為非

新序云子產

市不預賈

子產

道不拾遺

韓子子產相鄭五年云云

及於寬政

春秋陳公子完奔齊齊侯使敬

仲為卿辭曰羈旅之臣幸若獲宥云云

施道教民上下和洽

史記孫叔敖

惠在愛民

家語子游問孔子

鄴有聖令為史公

呂氏春秋魏襄王時史起

為鄴令瀉鹵生稻梁也

子產治單父民不忍欺

史記

風俗移人

漢刑法志

民有訟者移病思過

漢書韓延壽為東郡三年

延壽守東

郡民不忍欺

漢書韓延壽

吏民向化

漢書黃霸為潁川守

罪無重

囚

漢書黃霸為潁川守治獄八年

田者讓畔

漢書黃霸為潁川守

遺錦詣吏

益部者

因其迹

黃霸代韓延壽為潁川因其迹而大理

天下無冤民

舊傳

漢書于定國為廷尉

戍卒願留一年以贖太守罪

漢書魏相為河南太守人

有告相賊殺不辜事下有司河南卒戍中都官者二千三百人遮大將軍自言願復留作一年以贖太守罪

衛卒請留一年以報寬饒德

漢書蓋寬饒傳寬饒初拜為司馬未出殿門斷其禪

衣令短離地冠大冠帶長劍躬案行士卒廬室視其飲食居處有疾病者身自撫循臨問加致醫藥遇之甚有恩及歲盡交代上臨饗罷衛卒衛卒數千人皆叩頭自請願復留共更一年以報寬饒厚德宣帝嘉之以寬饒

為太中大夫
使行風俗

不言而治

漢書原涉為谷
口今不言而治

德者化所

由興

說苑云治國有二機刑德是也王者尚其德而希
其刑霸者刑德並湊強國先其刑而後德夫刑德

者化之所由興也德者養善而進闕者也刑者懲惡而
禁後者也故德化之崇者至於賞刑罰之甚者至於誅

王政化之為貴

又說苑
詳論政

撫以恩信

後漢祭彤為遼
東守撫夷狄以

恩信皆畏
而愛之

口無惡言

漢書卓茂
遷密令

伏其化

卓茂字子
康為密令

人遺吏米肉而訟之茂曰遺人
之物情也不當彊耳人服其化

為政寬恕

後漢魏霸
守鉅鹿以

簡樸寬
恕為政

仁化

後漢劉昆為政
三年仁化大行

遣徒斂親果還入獄

後漢鍾離意傳意為堂邑令縣人防廣為父執仇繫獄
其母病死廣哭泣不食意憐傷之乃聽廣歸家使得殯

斂丞掾皆爭意曰罪自我歸義不累下遂遣之廣
斂毋訖果還入獄意密以狀聞廣竟得以減死論

遣

徒歸家應期而還

陳留者舊傳虞為細陽令
每一年伏臘輒遣徒歸家

小人

知恥

蔡邕胡伯始碑文云

狗吠不驚

華嶠後漢書岑熙為東郡太守

我有积

棘岑君伐之我有蚘賊岑君過之

後漢岑熙為東郡守民歌云云

生

男字吳

後漢吳祐為膠東相安丘男子母丘長遇醉客辱其母長殺之以械自繫祐知長未有子即移

生男名駱

會稽

安丘達長妻使同宿遂懷孕至冬盡行刑置指屬兒以報吳君因投繯而死

典錄駱駢

以江為字

江祚為守民感其德生子以江為字

吏有相訴閉閣

自責

吳祐

休囚於家

陳留風俗傳云蒙焦為小黃令

放囚歸家

臨淄令放

因如期而至

政唯仁簡

後漢吳祐傳祐以光祿四行遷膠東侯相政唯仁簡以身率物漢官

儀曰四行敦厚質樸遜讓節儉也

一郡慕化

益部耆舊傳云張霸為會稽守

老少

攀車

東觀漢記第五倫為會稽守代到百姓攀車以留之

吏民攀轅

華陽國志嚴遵為揚

州牧遷去吏民塞路攀轅

老弱號哭

後漢侯霸為淮平大夫尹政理有能名莽敗霸保固自守卒

全一郡更始徵霸老弱相攜號哭遮使者車或當道而卧皆曰願乞使君

五夷號哭

續漢書种

嵩遣漢陽守史民

百姓揮涕

陳留風俗傳

王侯泣涕

後漢

班超傳超被徵發還疏勒舉國憂恐其都尉黎弇曰誠不忍見漢使去因以刀自刺起還至于關王侯以下皆

號泣曰依漢使如父母誠不可去互抱起馬脚不得行

篤義多恩

典略云趙喜為平原守百

姓為
作歌

賴遇賢令彭子陽

謝承後漢書海賊欲向郡太守請彭循守吳令

桑

無附枝麥秀兩岐張君為政樂不可支

東觀漢記張堪為漁陽太守教

種作民

歌云云

百姓歌來暮

東觀漢記廬范為蜀郡守

巷路歌來晚

後漢

賈琮傳曰舊交阯土多珍產明璣翠羽犀象玳瑁異香

美木之屬前後刺史率多無清行工水權貴下積私賂

故吏民怨叛有司舉琮為交阯刺史訊其反狀咸言賦

斂過重故聚為盜賊琮即移書告示各使安其資業招

撫荒散百姓以安巷路為之歌曰賈父

男名賈男女

來晚使我先反今見清平吏不敢飯

名賈女

謝承後漢書賈彪補新安長養子數千

亭長請罪

魯恭字仲康為中牟令亭

長借牛不還人訟之恭令還再三

兄弟感悔

許荆為桂陽守

不從恭欲解印吏人泣亭長請罪

行春到耒陽民有蔣均兄弟爭財刑乃對之歎曰教化不行罪在太守乃上書陳狀乞詣廷尉兄弟感悔求受

罪

姦吏復職

高柔字文惠為管城長姦史間名引去召令復職

恩化

魏志劉馥

為揚州刺史空城

建立恩化大行

遺粟繫樹

魏志桓階為趙郡太守

民服德

化宿惡奔迸

吳錄王鐔曲阿人為武城長

以孟為字

吳志孟宗為豫章守民感

其德是時生子故名云

王世容治無雙省徭役盜賊空

吳錄云王鐔字

世容為武城長人歌云云

政清民和

晉中興書諸葛恢為會稽守二年政清民和

生

為立祠

晉書荀勗為安陽令

百姓愛之

又云鄭柔廣平守

市無二賈

王隱晉書甘卓

為相州刺史

以仁為首以惠為先

劉梁碑云君遺桂陽太守班序

以正云云

增南土美之

晉書杜預都督荊州諸軍事南土美之歌曰後世無叛由杜公

海沂之康

又曰王祥為徐州刺史政化大行人歌曰海沂之康實賴王祥

耆老中坐

流涕

又曰祖逖為豫州刺史百姓感悅嘗置酒大會耆老中坐流涕曰吾等老矣吏得父母死將何恨

破銅券與盟

又曰應詹為南平太守時武陵溪蠻並反詹召蠻酋破銅券與盟

哺

乳我

梁書始興王憺為安西將軍還朝民歌曰何時復來哺乳我

前兄後弟

又曰夏侯

夔為豫州刺史兄亶先經此任並有恩惠百姓頌曰前兄後弟布政優優

大鄭小鄭

北史北齊

鄭道昭為兗州刺史子述祖又為之人歌大鄭公小鄭公五十載風教同人

案得百姓清德

頌又曰張晏之行北徐州事御史下察州郡至北徐惟得百姓所製清德頌數篇歎曰本求罪狀遂聞頌聲

遷兖州
刺史

曲堤羣盜屏跡

又曰宋世良為清河太守郡東南有曲堤成公一姓居之

羣盜多萃於此舊語曰寧渡東吳會稽不歷成公曲堤世良至盜奔他境謠曰曲堤雖險賊何益但有宋公自

屏跡

易田改鞭

又曰後周崔謙為濟北太守公田多沃壤謙易之以給民又改鞭用熟皮示恥

而已人頌崔府君
恩化古者所無

罷漁獵卻丁庸

又裴俠為河北郡舊有漁獵夫三千

使曰以口腹役人所不為也悉罷之又有了三十人供役使亦不收其庸人歌肥鮮不食丁庸不取裴公貞惠

為世規矩

于公之後有于次武

又于仲文字次武任周為安國太守先是州刺史屈

突尚宇文護之黨也坐事下獄無敢繩者次武至郡窮治獄遂竟語曰明斷無雙有于公不畏強禦有次武

清鄉安定

隋書樊叔略累封清鄉安定公開皇中為相州刺史民頌曰智無窮清鄉公上下正

樊安

不殺非時草

唐書顏游秦為廣州刺史時劉黑闥初平人多彊暴游秦至郡敬讓

大行邑里歌曰廣州顏有道德性行

米粟賤追李峴

又

同莊老愛人如赤子不殺非時草

峴為京兆尹楊國忠惡其不附己以雨災出為長沙郡守時京師米麥踊貴百姓謠曰欲得米粟賤無過追李峴

德化四

增碑唐韓愈柳州羅池廟碑曰羅池廟者故刺史柳侯廟也柳侯為州不鄙夷其民動以禮法三年民各自於奮茲土雖遠京師吾等亦天氓今天幸惠仁侯若不化

服我則非人於是老少相教語莫違侯令凡有所為於
其鄉里及於其家皆曰吾侯聞之得無不可於意否莫
不忖度而後從事凡令之期民勸趨之無有後先必以
其時於是民業有經公無負租流通四歸樂生興事宅
有新屋步有新船池園潔修豬牛鴨雞肥大蕃息子嚴
父詔婦順夫指嫁娶奠送各有條法出相弟長入相慈
孝

增墓誌明梁潛泰和州知州顧侯光遠墓誌銘曰擢知

龍陽州越二年改知泰和州龍陽老穉至號泣於道不忍侯之去至泰和前州守即吳侯也吳侯以民好訟告於侯侯撫然曰民有冤抑守弗為之理民將安訴頃之訟者雨集侯乃自為書榜聯紙長數丈誨諭諄切民爭來觀觀已去不訟者十二侯又俾凡訟者居譙門上思三日然後得訴思不三日去不訟者過半矣乃擇吏純謹者一人置簿受訟詞而勾稽其始末民誠負冤也輒為疏理非誠負冤願悔自止者聽不問未兩月民不復

訟吏亦畏侯精敏無敢舞文以病民

御定淵鑑類函卷一百二十六

欽定四庫全書蒼要卷一萬一千五百七十五

子部

御定淵鑑類函卷一百二十七

政術部六

德感

公正

德感一

原縣獨不電

鄒獨無灾

東觀漢記韓稜為下邳令會稽鄭弘為鄒縣令

化及鳥獸

山無豺狼

後漢魯恭為中牟蝗不犯境一異也化及鳥獸二異也

搜神

記王業為

荆州三虎

日南雙鴈

抱朴子曰王業卒荆州白虎三頭

荆州刺史

交州記

畝於輜車

昔日有雙鴈隨太守

兔棲牀下

鳩巢屋上

漢書譚儒為東

郡守恤孤老雉兔棲牀下

鸞鳥至學宮

鳳凰集境

內東觀漢記王阜為重泉令
吏民向化荀藐詳德化

牛入界逃疾

虎出境

渡江

東觀漢記建武十六年四方牛大疫臨淮獨不
隣郡人多牽牛入界後漢宋均事詳太守

增箱乘馬

答泥龍

冊府元龜曰周徐台符晉末為翰
林學士契丹之陷中原也龐身南

歸初台符所乘馬好嘶鳴及露宿草中雖胡騎連羣經
其左右而馬若箱其口然行至漢地即嘶鳴如故人以

為積善之所感也又曰周李元懿為青州北

獲甘

澤

生穉穀

冊府元龜曰田仁會永徽初為郢州刺史
時亢旱自暴祈禱竟獲甘雨百姓歌之曰

父母育我田使君精誠為人上天聞又曰馬燧為懷
州刺史兵亂之後其夏大旱人失耕稼燧乃務修教化

收瘞暴骨去其煩苛
其秋界中生穠穀

日青暈 月赤明

太平御覽曰
政昇平則日

黃中而青暈 又曰政太平

鱷魚盡徙

蝗蟲不食

則月多耀政頌平則赤明

唐書曰韓愈遷潮州刺史既視事詢吏民疾苦皆曰郡
西湫有鱷魚卵而化其長數丈食民畜產將盡愈令判
官秦濟以一豚一羊投湫水祝之夕有暴風雷起於湫
中湫水盡涸徙於西六十里自是潮無鱷魚患 冊府
元龜曰李紳為汴州節度使蝗蟲
入界不食田苗文宗賜詔書褒之

放蛇歸牀

飛蝗

避境

齊書曰虞愿為晉安太守郡品蚺蛇膽可為藥有
餉者愿放之二十餘里一夜蛇還歸牀下復送十

里經宿還復故處愿更送遲明乃復歸 冊府元龜曰

晉趙廣為壽張令高祖天福四年詔廣考滿之後量留

一年以飛蝗

竟免為害

必當無患

冊府元龜曰歸
崇敬大曆中充

避境故也

冊立新羅王使至海中流波濤迅急舟船壞漏舟人請以小艇避禍崇敬曰舟人數百我何獨濟遂巡波濤稍息竟免為害又曰段希堯初仕晉使於吳越及泛海

風濤暴起檝師相顧失色希堯謂左右曰吾平生履行不欺暗室天鑒豈無汝等但以我為祀必當無患言訖而風止

鹿夾轂行 虎低頭

伏 漢書曰鄭弘勤行德化隨車致雨白鹿方道夾轂而行弘怪問主簿黃國賀曰聞三公車轡畫象鹿明府

其為相乎 錦繡萬化谷曰童恢為不其令民嘗為虎所害獲二虎恢呪虎曰王法殺人者死若是殺人者當服罪自知非者當號呼稱冤一虎低頭閉目其一鳴吼自奮遂放佚之

螟螣消亡 樹

木茂盛 鄭康成箋詩曰螟螣之屬盛陽氣羸則生之今明君為政田祖之神不受此害持之付與炎火

使自消亡 又曰天既顧文王乃和其國之風雨使其山樹木茂盛言非徒養其民人而已

蒿堪

為宮

物生於野

竹書紀年曰周德既隆草木茂盛蒿
堪為宮因名蒿室 冊府元龜曰後

唐袁象先唐末為陳州刺史州大水民饑有
物生於野形類葡萄其實可食貧民賴焉

其精畢

至 見效可信

鶡冠子曰鳳皇者鶡火之禽陽之精也
麒麟者元枵之獸陰之精也萬民者德

之精也德能致之其精畢至 漢書李尋傳曰
致治感陰陽猶鐵炭之低昂見效可信者也

瑠英

朱草

甘露醴泉

焦氏易林曰瑠英朱草仁政得
道 又曰甘露醴泉太平機關

麇

為麒麟

鵠為鳳凰

論衡曰或時太平氣和麇為麒麟
鵠為鳳凰因故氣性隨時變化豈

必有常
類哉

黃霸潁川集鳳凰

秦彭山陽有麒麟

漢書曰黃

霸外寬內明前後八年郡中愈治是時鳳凰神爵數集
郡國潁川尤多 後漢秦彭為山陽太守轉潁川太守

仍有鳳凰麒麟嘉禾
甘露之瑞集其郡境

視明禮修而麟至
思睿信立

而虎擾

春秋正義曰視明禮修而麟至思睿信立而白虎擾

德感二

原風不搖條

博物志文王以太公為灌壇令

子產治鄭疾藜不生

梁

別傳云子產治鄭蒺藜不生鷓鴣梟不至

增天氣自正

河上公注老子云天人相通精氣相

貫人君清淨

原以身填堤波稍還却

前漢王尊傳尊為徐州刺史遷

天氣自正

東郡太守父之河水盛溢泛浸瓠子金堤尊親執圭璧使巫策祝請以身填金堤因止宿廬居堤上及水盛堤壞吏民皆奔走尊旁立不動而水波稍却迴還

增鳳凰來舍

焦氏易林云仁政不暴鳳凰來

舍

原張君為政桑無附枝

詳德化

蝗不入密界

後漢卓茂

詳縣

去珠復還

謝承後漢書云孟嘗為合浦令

蝗不入茂陵

益部楊鈺

為茂陵令
蝗不入界

天旱自責應時澍雨

後漢書周暢為緱氏令天旱自責稽首流

血云

甘雨即降

桂陽先賢傳云張喜為平興令天旱積柴自燒甘雨即降

反風

滅火

陳留者舊傳云劉昆為江陵令大災昆向天叩頭濡然下雨

增萬物豐茂

逸王

注楚辭云君賢臣忠政令大中則品庶安寧萬物豐茂

原甘雨輒澍

謝承後漢書曰百里

嵩為徐州刺史

蟲飛不集

謝承後漢書曰謝夷吾為壽張令永平十五年蝗發太山流徙郡國

薦食五穀過壽
張界飛逝不集

增構火自焚

經濟類編云諒輔字漢儒仕郡為五官掾時夏

大旱太守自出祈禱山川連日雨無降輔乃自暴庭中積薪柴聚茭茅以自環構火將自焚未及日中而天雲晦合須臾澍雨一郡沾潤

原蝗蟲消死

搜神記何敞為無錫令

增東先生

通神明

潛確類書云東哲為廣陵郡累年大旱哲請雨二日雨澍眾謂哲至誠乃歌曰東先生通神明

原積薪自焚火起而雨

濟北先賢傳云戴封為西華令

蝗飛盡去

濟北先賢傳云戴封為西華令

請以身禱雨下滂沛

北海先賢傳云公沙穆為弘農

令界有螟蟲請以身禱同雲四集雨下滂沛

增萬物斯覩

隋書云陽烏垂曜微藿傾心神

龍騰舉飛雲觸石聖人在上幽顯冥符故稱比屋可封萬物斯覩

五星若貫珠

初學記云

至德之萌五星若貫珠

蠶一年四熟

冊府元龜云唐尹思貞為青州刺史境內有蠶一年

四熟者黜陟使路敬潛至州見繭
歎曰非善政所致能至於此乎

風濤開霽

又云王義方以

與張亮交遊貶儋州吉安丞行至南海酌水而祭為文
曰行愆諸己義負前修長鯨擊水天吳覆舟如因忠獲
累以孝見尤四維霧廓千里安流時
當盛夏風濤毒蒸既而開霽南渡

鸚鵡食蝗

又云漢侯

益乾祐初為開封尹時揚武雍丘襄邑蝗
益遣人以酒餽致祭二縣蝗為鸚鵡聚食

嘉禾者仁

卉也

太平御覽云王者盛德則嘉禾生嘉禾者仁卉也
其大盈箱一稊二米國政質則同本而異穎國政

文則同穎
而異本

德感三

增詩唐鄭畋麥穗兩岐詩曰聖慮憂千畝嘉苗薦兩岐

如雲方表盛成穗忽標竒瑞露縱橫滴祥風左右吹謳
謠連上苑化日遍平陂史冊書堪重丹青畫更宜願依
連理樹俱作萬年枝 明王問大司馬統師至姑蘓久
旱霖雨適降詩曰方召佐周宣王師動以天式瞻靈雨
降恰在福星前殺氣窮桑海華滋潤芋田山農有謠頌
應並凱歌傳

增賦唐李程日五色賦曰德動天鑒祥開日華守三光
而效祉彰五色而可嘉驗瑞典之所應知淳風之不遐

稟以陽精體乾爻於君位昭夫土德表王氣於皇家

錢起泰階六符賦曰考星象之躔次探瑞氣之與源得
泰階於前史總六符以為言既出沒以候君德又熒煌
以麗乾元爾其祥德而發觀瑞而明德正則正俗平則
平何君王之播理俾品物以咸亨配兩曜以齊美非衆
宿之敢爭豈比夫聚彼德星頴上賢人所感托於箕尾
巖間傳說之精石岑海水不揚波賦曰唐興百三十
有四載湛恩溢乎荒外倬五聖之在天奄六合而成大

赫吾君之光贊敷至道而允泰八狄窮陬而盡懽九夷
無遠而不會則成周之德未足雙越裳之來今至再是
以四海盡鏡九瀛涵影寫合璧之祥光湛連珠之瑞景
湛兮恒清晏兮砥平泊乎無情蕩乎難名如君之道酌
焉而不竭象君之德注焉而不盈所謂皇得一則政能
貞海得一則波不驚 潘炎嘉禾合穗賦曰天祚明德
兮降之嘉生案彼靈篇兮莫之與京脉震土膏且分苗
於南畝駟臨天漢爰合穗以西成當元后之歷試表休

徵於太平不莠不稂實堅實阜引薰風於和氣承湛露
於蒼昊生非百里驗管仲之虛詞出異崑山自我皇之
所寶唐叔得之而合穎周成得之以充箱雙米一稔稱
之表異孤莖六穗頌以非常今也尤盛居然允臧轉風
而屢騰佳氣就日而交見祥光 四靈賦曰於惟聖人
志氣如神百物自化四靈薦臻夫其時然後動動而斯
中叶休明之德邁川岳之貢負圖騰大河之龍銜詔引
丹穴之鳳介蟲稱長將開輿以應期肉角為仁示有武

而不用非夫天子睿哲黎元底寧惠化廣被品物流形
則何能光有九土克擾四靈

增頌明宋濂膏露頌曰上帝降康甘露之灑於粲其英
布於下方其祥伊何靈氣孔多有甘者液載仁惟澤天
地相合鴻休翕聚厭厭浥浥紛紛密密如卿之雲如景
之星如日之垂輪冲和氤氲以文我太平

增行狀唐楊炯中書令汾陰公薛振行狀曰在饒州六
年以仁明馭下鄱陽北岡上忽生芝草一株郡人以為

仁政所感共起一舍號曰芝亭

增傳明陳敬宗尚書王文安公傳曰公諱英字時彥上遣公賫香幣往祀南鎮以禳民癘時浙間久旱公至紹興大雨水深二尺灌獻之夕雨止星見明日又大雨田野沾足人皆喜曰此侍郎雨也

增說唐韓愈猫相乳說曰司徒北平王家猫有生子同日者其一母死焉有二子飲於死母母且死其鳴吽吽其一方乳其子若聞之起而若聽之走而若救之銜其

一置其棲又徃如之反而乳之若其子然噫亦異之大者夫猫畜也非性於仁義者也其感於所畜者乎北平王牧人以康罰罪以平理陰陽以得其宜國事既畢家道乃行易曰信及豚魚亦其類也

增記唐符載甘露記曰大唐壬午歲南陽張君宰上元之二年有甘露降於庭梧滾滾靄靄如雨非雨者數日縣大夫謙不敢自道其美胥徒洎邑之緇黃幼艾以狀聞於連帥連帥表奏於天子天子嘉之優詔寵答癸未

歲復降於庭梧夏四月余自淮南罷去丞相府將假道以歸主人備勞餞之禮遂盛於杯器以示予予取前箸以嘗之即薰喉淬齒液不及咽而腑臟塗然矣夫天地無私也至虛也寂然不動感而遂通若御物之心誠萬人之氣和為祥雲也甘露也或御物之心淫萬人之氣寃為繁霜也苦雨也動於此形於彼自開闢至於茲日無他理矣夫如是張君之政徭賦調歛倉廩實歛風俗厚歛人民樂歛不然則何嘉祥元貺鍾於邑也如此張

君名集自

公正一

增史記汲黯傳曰張湯方以更定律令為廷尉黯數質責湯於上前曰公為正卿上不能褒先帝之功業下不能抑天下之邪心何乃取高皇帝約束紛更之為公以此無種矣黯時與湯論議湯辯常在文深小苛黯伉厲守高不能屈忿發罵曰天下謂刀筆吏不可以為公卿果然必湯也 冊府元龜曰竇懷靜貞觀中為司農卿

趙元楷為司農少卿懷靜不悅元楷因官屬大集謂元楷曰如隋煬帝時竭四海以奉一人者司農須公矣方今聖人躬履清儉屈一人以安兆庶司農何用於公哉元楷赧然無以應又曰狄仁傑為豫州刺史初越王之亂宰相張光輔討平之將士恃功多所求取仁傑不應曰亂河南者一越王貞耳今一貞死而萬貞生光輔質其詞仁傑曰明公董戎三十萬不戢兵鋒縱其暴橫無罪之人肝腦塗地此非萬貞何耶如得上方斬馬劍

加於君頸雖死如歸光輔不能詰 又曰唐紹博學善

三禮為左臺侍御史兼太常博士中宗將拜南郊國子

祭酒祝欽明等希旨請皇后為亞獻紹與博士蔣欽緒

固爭以為不可 又曰吳兢開元中為著作郎兼修史

時黃門侍郎張說因至史館讀則天實錄見論證對魏

元忠事乃謂兢曰劉五

即子

修實錄論魏齊公事殊不

相假與說毒乎兢對曰是兢書之非劉公修述其人已

亡不可誣枉幽魂令相公有怪 又曰相里造代宗朝

為戶部郎中永泰元年章敬皇后忌辰內侍魚朝恩置齋延宰相及臺省官就食朝恩恣口談時政公卿惕息造與侍御史李衍以正言折之衍辭直而強頗忤朝恩遂罷會又曰許孟容為禮部員外郎有公主之子請補弘文崇文館諸生孟容舉令式不許韓愈順宗實錄曰陽城為諫議大夫正直時朝議朝夕相延齡城曰脫以延齡為相當以白麻壞之慟哭於庭冊府元龜曰蕭復字履初德宗建中四年拜吏部尚書平章事時

盧杞或對帝前奏議阿諛順旨復正色曰盧杞之詞不

正帝愕然大驚 又曰裴胄為江南西道觀察使前使

李兼罷南昌軍千餘人收其資糧分為月進胄至奏其

本末罷之 又曰馬璘軍中有能引二十四弓而犯盜

者璘欲免之秀實曰將自有私愛則法令不一璘善其

議竟使殺之 又曰李絳為戶部侍郎嘗因次對穆宗

曰戶部比有進獻至卿獨無何也絳曰將戶部獻入內

藏是用官物以結私恩帝悚然益嘉其直 又曰裴度

為司徒中書令及薨文宗怪度無遺表家人進其草稿
以未定儲位為憂言不及於家事 又曰梁崔堯為尚
書左丞素與崔彥融善彥融嘗為萬年令堯謁於縣彥
融未出見案上有書題皆賂遺中貴人堯知其由徑始
惡其為人及除司勳郎中通刺不見堯謂曰郎中行止
鄙雜故未敢見 事文類聚曰寇萊公在樞府上欲罷
之萊公已知遣人告冀公曰遭逢最久今出求一使相
幸同年贊之公大驚曰將相之任極人臣之貴豈可以

此私干於人萊公不樂後上議準今出與一甚官公曰
與一使相使當方面風采足以為朝廷之光上然之翌
日降制公在相府抑私遠嫌皆此類 問竒類林曰龜
山先生言真宗問李文靖曰人皆有密啟而卿獨無何
也對曰臣待罪宰相公事則公言何用密啟人臣有密
啟者非讒即佞臣嘗惡之豈可效尤 續問竒類林曰
錢惟演作樞密直學士題名記附會丁晉公去寇萊公
姓氏云逆準不書蔡文忠公言於仁宗曰寇準社稷之

臣忠義聞於天下豈可為姦黨所誣遂令磨去 問竒
類林曰司馬光作通鑑至太宗之世忽有衣黃袍者見
於前曰先生幸善書公起知為帝也跪而言曰陛下穢
德多矣臣頸可取筆不可奪遂不見 又曰劉摯拜御
史神宗問卿從王安石學耶安石亟稱卿器識對曰臣
北人少孤獨學不識安石也 又曰神宗嘗對章惇稱
章安道之美問惇識否惇退以告呂惠卿惠卿明日與
安道同行入朝告以上語安道縮鼻不對其夕安道適

與客坐惇呵引到門謁入安道使謝曰素不相識不敢

受謁 又曰張茂則宦官之賢者也元祐間常請諸名

公啜茶觀畫諸公皆往唯伊川不往辭曰某素不識畫

亦不喜茶 又曰侍御史錢適元符末攻曾布章數上

甚急會其子病明日將對子夜死適跨馬入朝不復內

顧既歸復舉哀布敗適除中丞誥詞有蹇蹇匪躬呱呱

弗子之譽 續文獻通考曰天順四年會試以呂厲柯

潛為考試官取陳選第一舉人不中有怨考官者以李

賢弟不中謂賢亦怒遂鼓其說奏正其罪上疑之召賢問賢對曰此乃私忿考官無弊如臣弟讓亦不中可見其公上乃命禮部考此舉子荒踈且其人狂妄遂枷於部前

公正二

原惟官是視 直道而行

晉書崔洪傳洪薦雍州刺史卻銑代已為左丞銑後糾洪

洪謂人曰我舉卻丞而還奏我是挽弩自射也銑聞曰崔侯為國舉才我以才見用惟官是視各明至公何故私言乃至此洪聞其言而重之益部耆舊傳云任昉字文始遷司隸校尉杜門自守不與豪右交通循法正

身直道而行由是貴戚斂手
書法不隱 為法受惡 春秋左傳云趙穿攻靈公

於桃園太史書曰趙盾弑其君以示於朝宣子曰不然對曰子為正卿亡不越境反不討賊非子而誰宣子曰嗚呼我之懷矣自詔伊戚其我之謂乎孔子曰董狐古之良史也書法不隱趙宣子古之良大夫也為法受惡

董狐奮筆 劉暉索紙 帝王世紀云周監二代禮文最備史官有法董狐奮筆趙

孟受惡 晉諸公贊云劉暉字長升為侍御史部尚書郭彰呵暉我不敢截君角暉厲色曰天子法官而索截角彰何敢爾索紙筆奏之彰伏坐不敢與校眾人解而止暉嚴直之望聞於內外 **南史執簡**

司隸舉節 左傳齊太史書曰崔杼弑其君崔子殺之其弟嗣書而死者二人其弟又書乃舍之

南史氏聞太史盡死執簡以往聞既書矣乃還 漢書諸葛豐為司隸校尉侍中許章以外戚貴幸奢淫不奉

法度寬容犯事與章相連豐案劾章欲奏其事
適逢章私出豐駐車舉節欲收之詳司隸校尉

治皇

后家客 鞭太子傅令

後漢虞延為洛陽令是時陰氏有客馬成者常為姦盜延收考

之陰氏屢請獲一書輒加榜二百 梅陶自序云余為

中丞鞭太子傅令親友莫不致諫余笑而應之堂高由

於陛下皇太子所崇上由吾奉正法豈在枉

為檄召

道曲媚家人皇太子特見延請賜以清宴

鄧通 奏請誅晁錯

漢申屠嘉為丞相鄧通方愛幸入朝居上旁有怠慢之禮嘉罷朝坐

府為檄召通通至責曰夫朝廷者高皇帝之朝廷也通

小臣戲殿上大不敬當斬吏令行斬之通頓首首盡出

血不解上度丞相已困通使使持節召通而謝丞相此

吾弄臣君釋之 又曰申屠嘉為丞相晁錯為內史貴

幸用事門東出不便更穿一門南出南出者太

梁冀

上皇堞垣也嘉聞錯穿宗廟垣為奏請誅晁錯

帶劔張陵奪之

桓譚鼓琴宋弘讓之

謝承後漢書曰張陵字處沖為

尚書初為梁冀弟胤所舉孝廉正月歲初百官朝賀冀恃勢不恤王憲帶劔入省陵比冀入勅羽林虎賁奪冀

劔即治劾奏罪胤謂陵曰舉君適以自伐也東觀漢

記曰宋弘薦桓譚才學洽聞其能幾及揚雄劉向於是

召給事中上每宴輒令鼓琴好其繁聲弘聞之悔於薦

舉正朝服坐府上遣使召之譚至不與席而讓之曰吾

薦之者欲令輔國家以道德而

今數進鄭聲以亂雅故非忠臣

解狐薦讎

謝安舉

親韓非子云解狐薦其讎於簡主以為相其讎以為且

幸釋已也乃因往拜謝狐乃引弓送而射之曰夫薦

汝公也以汝能當之也夫讎汝吾私怨也不以私怨汝

之故擁汝於吾君故私怨不入公門晉書謝安傳云

于時苻堅強盛朝廷求文武良將可以鎮禦北方者安乃以玄應舉中書郎却超雖素與玄不善聞而歎曰安

違衆舉親明也
玄不負舉才也

范滂不署文學

荀彧不可議郎

後漢

書云范滂不聽宗資署李頌文學資遷怒捶功曹佐朱零朱零仰曰范滂清裁猶以利刃齒腐朽今日寧受笞死滂不可違 典略云荀彧有羣從一人才德實薄謂或曰以君當事不可以某為議郎耶或笑曰官者以表才也若汝不任人其謂我何

鍾離意白周樹

呂子明薦蔡遺

鍾離

意別傳云意為功曹常非周樹白事誕欺朝中皆知意心恨中部平永缺意牒曰賊曹吏周樹結髮佐吏服勤守法果於從政行如玉石折而不撓請宜部職也 吳志呂蒙傳云蒙字子明常以部曲事為江夏太守蔡遺所白蒙無恨意及豫章太守顧邵卒權問所用蒙因薦遺奉職佳吏

鍾離獨委贓珠

紀山不視眩玉

後漢鍾離意為尚書上以贓珠賜羣臣諸尚書皆拜意獨委於地明帝問委珠

何也對曰陛下以贓珠賜忠臣故臣不受

華陽國志

曰巴郡陳紀山為司隸校尉嚴明正直西域

獻眩玉公

卿以為嬉紀山獨

稱以方正

號為廉平

後漢吳良為司徒長

史以清白方正稱

晉書李胤為

未嘗至室

敢拜

吏部尚書清慎選舉號為廉平

奉觥

子游曰有澹臺滅明者非公事未嘗至於偃之室汝南太守歐陽歙臨饗眾出教曰西部督郵縣

延資性忠貞云云欲獻延於朝功曹郅惲字君章於下坐愀然曰司正舉觥按延資性貪邪云云敢拜奉觥歙

大慙 免李嚴無怨

劾曹騰無恨

蜀李嚴與諸葛亮皆大臣後嚴運糧不繼

矯命令邊迴軍亮歸免嚴為民及亮卒嚴嘔血而死以亮在尚有補過復位之望也論者以管氏奪伯氏駢邑

三百沒齒無怨言亮之公正過之也

蜀郡太守因計

吏賂遺曹騰益州刺史种暘於斜谷得其書上奏太守

并劾騰帝寢之無恨憤稱曷為能吏

出獄候不謝

在位薦有隙

後漢范滂

字孟博嘗繫獄尚書霍揖理出之候揖而不謝人問之滂引叔向祁奚之願也後漢喬玄與陳琳有隙及在

公位薦琳

辛毗不與通

叔子不受謝

魏孫資劉放用事大臣莫

為廷尉

不交好唯辛毗不與通毗之子敞諫毗云云毗正色曰

主上雖未聰明亦不為闇劣吾立身有本末資放不過

不令我作三公何危害之有晉羊祜字

增折懿宗

叔子不受私謝拜官公庭謝恩私室也

感張說

冊府元龜曰王求禮為左拾遺則天朝孫萬榮寇陷河北數州河內王懿宗擁兵不敢進

比賊散奏請族誅滄瀛等州百姓為誑誤者求禮廷折之曰懿宗擁強兵十餘萬聞賊將至輒退保城池乃遺禍於草澤誑誤之人豈為臣之道請先斬懿宗以謝河北羣臣愕然謂之切當又曰宋璟為鳳閣舍人長安

中張易之誣構魏元忠有不順之言引鳳閣舍人張說令証之說將入惶惑迫懼璟謂曰名義至重神道難欺必不可黨邪醜正以求苟免若犯顏流貶芬芳多矣說感其言及入遂保明元忠竟得免死

楚守

正 贊無忤

冊府元龜曰令狐楚為左僕射太和末李訓伏誅大臣從坐者八九人京師大擾文

宗夜召楚及鄭覃入決事翌日以覃為宰相危疑之際楚多守正 又曰梁劉贊歷御史中丞刑部侍郎贊性

雍和與物無忤人若以私干之雖權豪不能移其操

不為屈

何見謝

冊府元龜曰李

勉為太常少卿肅宗將大用勉會李輔國寵任意欲勉降禮於己勉不為屈竟為所抑 又曰劉奇為吏部侍郎注張文成司馬鎧為監察御史二人謝之 奇正色曰舉賢才本自無私二君何為見謝

朝恩銜

嗣業報

冊府元龜曰李勉為京兆尹宦官魚朝恩為觀軍容使仍知國子監事前尹黎幹每候其

將至則盛具數百人之饌及勉蒞職朝思入監府吏請于勉勉曰軍容使判國子監事勉候太學軍容宜厚其主禮朝恩聞而銜之又曰杜景儉為益州錄事參軍時隆州司馬房嗣業除益州司馬除書未到欲即視事又鞭笞僚吏時以威勝景儉叱左右各罷散房慙赧而止俄有制除嗣業荊州司馬竟不得視事人吏為之語曰錄事意與天通

益州司馬折威風 令讓魏徵 不從盧坦

唐書曰或有言魏徵

向黨親戚者帝使御史大夫溫彥博按驗無狀彥博曰徵為人臣須存形迹不能遠避嫌疑遂招此謗帝令彥博讓徵且曰自今以後不可不存形迹徵入奏曰臣聞君臣叶契義同一體不存公道惟事形迹君臣上下同遵此路則邦之興喪或未可知資治通鑑曰裴均素附宦官得貴顯為僕射自矜太常入朝踰位而立中丞盧坦揖而退之均不從坦曰昔姚南仲為僕射位在此均曰南仲何人坦曰是守正不交權倖者望

出二人 先謁九廟

太平御覽曰源乾曜開元中為侍中上疏曰臣竊見勢要之家併求

京職俊乂之士多任外官王道平分不合如此臣三男俱是京任望出二人與外官以叶均平之道帝從之冊府元龜曰顏真卿為尚書右丞代宗車駕自陝將還真卿請先謁五陵九廟而後還宮元載謂曰公所見雖美其如不合事宜何真卿怒而前曰朝廷事豈堪相公再破除耶

象先孤立 陸贄

立爭

太平御覽曰陸象先明皇先天初為中書侍郎平章事太平公主用事同時宰相蕭至忠等咸傾附

之唯象先孤立未嘗造詣至忠等伏誅象先獨免其難又曰陸贄德宗貞元中為相嘗自以少年入翰林蒙幸天子長養成就之不敢自愛事之不可者皆力爭之曰吾上不負天子下不負所學不恤其他

不

從令城 不謁輔國

冊府元龜曰高仙芝明皇時為河西節度使監軍邊令城每事干仙

芝芝多不從 又曰韋倫肅宗乾元三年拜襄鄧等十
州節度時李輔國用事倫不私謁輔國由是改秦州刺

史

未嘗私謁

不事新貴

冊府元龜曰楊綰為吏部侍郎典選公平時元載秉

政公卿多附托之 綰清貞自守未嘗私謁

又曰韓皋

為尚書左丞時王叔文專政皋自以前輩舊人累更重

任嫉叔文之黨謂人

不忘書過

不合觀史

冊府元龜曰于

休烈為太常少卿修國史肅宗謂休烈曰君舉必書朕

有過卿書之否休烈對曰臣聞禹湯罪已其興勃焉有

德之君不忘書過臣不勝大慶 又曰鄭朗為起居郎

太和九年文宗御紫宸殿宰臣既退帝命朗等適所記

將來一觀朗對曰臣執筆所記便

目為史臣聞自古帝王不合觀史

親無所縱

壻安

得有

冊府元龜曰唐張鎮州為舒州都督即其本邑也乃多市酒餼就望江舊宅盡召故人親戚與之酣

宴十日贈以錢帛既而垂泣曰比者張鎮州與故人為
歡今日已後舒州都督治百姓耳自是親戚有犯一無
所縱續問竒類林曰陳執中作相有壻求差遣執中
曰官職班自國家非卧房箱籠中物壻安得有之竟不
與

不涉朋比

不遣私屬

冊府元龜曰王質文宗時
為宣州刺史雖權臣待之

厚而行已有素不涉朋比之譏

又曰相里金後唐同

光初自羽林都虞候為沂州刺史凡部曲私屬將吏不

遣涖州

聚斂太急

知人不明

問竒類林曰王安國
為西京教授官滿至

邑之職

京師神宗問其兄安石秉政物議如
何對曰但恨聚斂太急知人不明耳

喜歐陽修責

高若訥

問竒類林曰陳恭公素不喜歐陽修其知陳州
時公自穎移南京過陳拒而不見後公還朝作

學士陳為首相公遂不造其門已而陳公出知亳州公
當草制陳自謂必不得其美詞至云杜門掃却善避權

勢以遠嫌處事執心不為毀譽而更變陳公大驚喜曰
與我相知深者不能道此 宋史歐陽修傳曰范仲淹

以言事貶在廷多論救司諫高若訥以為當
黜修移書責之謂其不復知人間有庶恥事

蘇頲一

切罷

仲方三疏奏

冊府元龜曰蘇頲開元中知益州
長史事前司馬皇甫恂庫物不新

鮮不以進頲一切罷之 又曰張仲方為荊州刺史
郡人有田產為中人所奪仲方三疏奏聞竟理其寃

富貴非所願

親戚不曾有

續問奇類林曰真宗欲以
劉氏為后楊億不肯草詔

曰如此富貴非所願也 又曰劉綜知開封府一日奏
事畢真宗從容語曰卿與中宮近屬已擬卿差遣知否
綜變色作秦音啟陛下臣本是河中
府人出於孤寒不曾有親戚在宮中 裴玢不交權倖

羅貫不受請托

冊府元龜曰裴玢元和
中自鄜州節度改授山南西道節度觀察等使玢

歷二鎮頗以清心為政不交權倖不務貢獻 五代史
郭崇韜傳曰河南縣令羅貫為人強直頗為崇韜所知

貫正身奉法不

受權豪請託

宋璟執奏月將

袁高抗議盧杞

冊

元龜曰宋璟神龍中為黃門侍郎時武三思恃寵執權
有韋月將上書訟三思潛通宮掖將為禍患有司奏月
將大逆不道中宗令誅之璟執奏請按其罪狀然後申
明典憲月將竟免極刑 又曰袁高為給事中貞元元
年抗論盧杞是時德宗念杞必欲擢之宰相不敢言獨
高抗議者久之亦迴聖慮於是中外相賀數正直者貞
元迄今以

高為第一

復來則不見也

餘人可盡戮乎

問奇類
林曰真

宗時王文正公為相賓客雖滿座無敢以私干者既退
公察可與言及素知名者使吏問其居處數月之後召
與語詢訪四方利病或使疏其所言而獻之密籍其名
他日其人復來則謝終不見也 蘇軾剛說曰孫君立

節真可謂剛也謝麟經制溪洞事宜州守王奇與蠻戰死君為桂州節度判官被旨鞠罪麟因以大小使民十二人付君併按欲盡斬之君不可曰迨遛不進諸將罪也既伏其辜矣餘人可盡斬乎

孔穎達

犯顏諫太子

李朝隱正色叱宦官

冊府元龜曰孔穎達為太子右庶子

每犯顏進諫乳母謂穎達曰太子成長何宜屢得面折穎達對曰蒙國厚恩死無所報諍爭愈切又曰李朝隱為長安令有宦官干以非法朝隱正色叱之仍繫于獄睿宗下制褒之

活嚴善思於雷

霍之下拒武三思於諂附之中

冊府元龜曰韓思復睿宗朝為給事中活

嚴善思於雷霍之下拒武三思於諂附之中

公正三

原堯舜至公

呂氏春秋云堯有子十人不與子而授舜舜有子九人不與其子而授禹至公也

太子嗜魚太公弗與

賈誼新書云周文王使太公傅太子發太子嗜鮑魚而公弗與

曰禮鮑魚不登俎

能正其志

周易明夷象辭曰內難而能正其志箕子以之

正直

順事

毛詩羔羊云退食自公委蛇委蛇箋曰退食減饌也自從也從公謂正直順於事也委蛇委蛇委曲

自得之貌

柔亦不茹剛亦不吐

毛詩蒸民篇云惟仲山甫柔亦不茹剛亦不吐不侮

矜寡不畏強禦

增靖共

又詩云嗟爾君子無恒安處靖共爾位正直是與

原無偏

無黨

以公滅私民其允懷

尚書

正而不譎

齊桓公

晏

子辭茵席之臣

晏子侍於景公朝寒公曰請進煖食對曰嬰非君奉餽之臣也敢辭公曰請進

服裘對曰臣非君
茵席之臣也敢辭

陳完辭未卜其夜

左傳陳公子完
奔齊齊侯使為

工正飲桓公酒樂公曰以火繼之對曰臣卜其晝未卜
其夜又晏子春秋云晏子飲景公酒日暮公呼其火晏

子辭曰嬰以下其日未卜其夜

不以私事害公義

說苑

公曰善舉酒祭之再拜而出

云晉文公問於舅犯曰誰可使為西河守者對曰虞子
羔可也公曰非汝之讎歟對曰君問可為守者非問臣
之讎也羔見舅犯而謝之曰幸赦臣之過舅犯曰薦子
者公也怨子者私也吾不以私事害公義子其可去矣
顧吾射

宋公違命無畏扶其僕

左傳楚子田孟諸宋
公為右孟鄭伯為左

孟期思公復遂為右司馬子朱及文之無畏為左司馬
令夙駕載燧宋公違命無畏扶其僕以狗注云孟田獵
陳
正色立朝

春秋公羊傳云宋華督殺殤公孔父生
而存則殤公不得殺也於是先攻孔父

之家殤公知孔父死已必死趨而救之皆死孔父正色而立於朝則人莫敢致難於其君者故孔父可謂義形於色矣

行公去私惡

呂氏春秋曰桓公行公去私惡用管子而為五伯長行私阿所愛用

豎刁而蟲

沒齒無怨

論語奪伯氏邑沒齒無怨言

楊干亂行魏

出於尸

絳戮其僕

春秋傳云晉侯之弟楊干亂行於曲梁魏絳戮其僕晉侯怒謂羊舌赤曰合諸侯以求榮

也楊干為戮何辱如之必殺魏絳對曰絳無二志事君不避難有罪不逃刑其將來辭何辱命焉言終絳至

趙孟干行獻子戮之

國語趙宣子言韓獻子於靈公以為司馬河曲之役趙孟使人

以其乘車干行獻子執而戮之宣子召而禮之吾故以是觀汝汝勉之告諸大夫曰二三子可以賀我吾舉厥也而中知免於罪矣

虞丘干法叔敖戮之

說苑楚令尹虞丘子言於莊王曰臣聞奉

公行法可以得榮能淺行薄無望上位臣為令尹十年
矣國不加法獄訟不息孫叔敖秀羸多能其性無欲君
舉而授之政則國可使治楚王從之以孫叔敖為令尹
少焉虞丘子家干法孫叔敖戮之虞丘子喜入言之王
也

公直無私

呂氏春秋云石奢者公直無私楚昭王
使為政廷有殺人者乃其父也請死于

王曰不私其親不可謂孝事君
枉法不可謂忠乃伏釐而死

無所阿避

史記石奢
者楚昭王

相也堅正廉
直無所阿避

老聃至公

呂氏春秋云荆人有遺弓不
肯索曰荆人遺弓荆人得之

何索焉孔子聞曰去其荆而可矣老聃聞
之曰去其人而可矣故老聃則至公也

不賞私勞

不罰私怨

左傳仲尼曰周任有言為
政者不賞私勞不罰私怨

周公殺管叔

左傳

鄭放游楚于吳將行子產咨于太叔太叔曰吉不能亢
身焉能亢宗彼國政也非私難也子圖鄭國利則行之

又何疑焉周公殺管叔而蔡蔡叔夫豈不愛王室故也
吉若獲戾子將行之何有於諸游杜預注曰太叔游楚
之兄弟也亢蔽也蔡
叔向數叔魚
左傳仲尼曰叔向
放也吉太叔名也
古之遺直也治國

制刑不隱於親三數叔魚之惡不為未
減曰義也夫可謂直矣案叔魚向弟
治化之本德

教之基

應厚哭州將箋云夫公正治化之本德教之基
也叔向數叔魚之罪石碯討石厚之亂祁奚稱

解狐之賢臧紇思孟孫之愛春秋嘉之敦
崇世教經乎百王歷乎盛衰其義不改也

荆王不朝

保申跪而加笞

說苑荆文王得如黃之狗箇露之贈畋
于雲夢三月不返得丹之姬淫期年不

聽朝保申諫曰先王卜以臣為保吉今王期年不聽朝
王之罪當笞王伏保申束細箭五十跪而加之王背如

此者
再 齊桓公相管仲

左傳云呂卻畏逼將焚公宮而
殺晉侯寺人披請見公使讓之

曰蒲城之役君命一宿汝即至雖有君命何其速也對曰君命無二古之制也除君之惡惟力是視齊桓公置射鉤而使管仲相君若易之何辱命焉公見之以難告

子文公心致族廷理

說苑

云楚令尹子文之族有干法者廷理聞而釋之子文召廷理而責之曰吾族犯法甚明而使廷理緣吾私心釋之與吾生無義不若吾死遂致其族人於廷理曰不是刑也吾將死之

奉法不黨

說苑白虞

丘子舉孫叔敖為令尹少焉虞丘子家干法孫叔敖執而戮之虞丘子喜入見於王曰臣言孫叔敖果可使持國政奉國法而不黨施刑戮而不

好不廢過惡不去

善

左傳晉圍栢人荀寅士吉射奔齊初范氏之臣王生惡張柳朔言諸昭子使為栢人昭子曰夫非而讐乎

對曰私讐不及公好不廢過惡不去善義之經也

稱其讐不為諂立其子不

為比左傳祁奚請老晉侯問嗣焉稱解狐其讐也將立之而卒又問焉對曰平也可於是羊舌職死矣晉

侯曰孰可以代之對曰赤也可於是使祁午為中軍尉

羊舌赤佐之君子謂祁奚於是能舉善矣稱其讐不為

諂立其子不為比

舉其偏不為黨

公正無私

孔子家語澹臺滅明有君子之姿孔子嘗以容

貌望其才不充孔子之

望然其為人公正無私

公平無私

韓詩外傳云正直者順道而行順理

而言公平無私不為

安肆志不為危激行

先國家後私讐言

史記藺相如傳云相如拜上卿

位在廉頗之右頗曰相如素賤我必辱之相如每朝常

稱疾出見頗引車避匿舍人讓之相如曰吾念秦不加

兵於趙者徒以我兩人在耳今兩虎並鬪其勢不俱生

吾所以為此者先國家之急而後私讐也頗聞之內袒

負荆至門謝罪

卒為刎頸之交

忍所私以行大義

呂氏春秋云墨者有鉅子腹綽居秦

其子殺人秦惠王曰先生之年長矣非有他子寡人已
令吏勿誅對曰墨者之法殺人者死傷人者刑王雖已
賜而令吏勿誅腹餽不可不行墨者之法遂殺之
子人之所私也忍所私以行大義鉅子可謂公矣

治

天下必先公

呂氏春秋曰昔先聖王之治天下也必先
公公則天下平矣平得於公嘗試觀於上

志有得天下者衆矣其得之以公其失之必以偏凡主
之立也出於公故洪範曰無偏無黨王道蕩蕩陰陽之
和不長一類甘露時雨不私一物萬
民之主不阿一人注曰上志古記也

治天下當無私

又曰治天下者固必通乎性命之情通乎性命之情者
當無私矣夏不衣裘非愛裘也暖有餘也冬不用絮非
愛絮也清有餘也聖人之不
為私也非愛貴也節乎己也

天無私覆 地無私載

呂氏春秋云天無私覆地無私載日月無私
燭四時無私行其德而萬物得遂長矣

古之公

也篤今之公也薄 不私其身不外其民

任子太王不務私其身不

外其民故曰百姓之身猶吾身也為戎翟之病棄國之富杖策而去

陳平為社宰里老

善之

史記陳丞相世家云陳平為宰分肉食甚均里長老曰善陳孺子之為宰

任安為人

分眾人皆喜

史記任安傳邑中人民俱出獵任安長為人分麋鹿雉兔却署老小當壯劇易眾人

皆喜曰無傷也任少卿分別平

日磾殺弄子

漢書金日磾傳曰磾子二人為武帝弄兒後壯

大不謹自殿下與宮人戲日磾適見之惡其淫亂遂殺之

不避貴戚

史記尹齊以刀筆稍遷至

御史事張湯張湯數稱以為廉武使督盜賊所斬伐不避貴戚遷為闕內都尉聲甚於寗成

所薦

來謝絕不復通

漢書張安世傳云安世常有所薦其人來謝安世以為舉賢達能豈有私謝即

絕弗復
與通

案太后外孫

前漢義縱為長安令直法行治不避貴戚以捕案太后外孫修

成子中上以為能遷為河內都尉至則族滅其豪穰氏之屬河內道不拾遺

王駿奏匡衡

漢書王駿傳云駿為司隸校尉奏免丞相匡衡遷少府

解光奏王根

漢雜事云哀帝時司

隸校尉解光奏曲陽侯王根三世據權五將秉政根行貪邪及根兄子成都侯況不思報國聘取故掖庭貴人以為妻上遣根就國免況為庶人

公法不問親

說苑云人臣之公治官事則不營私家在

公門則不言貨利當公法則不問親戚奉公舉賢則不避仇讐忠於事君是之謂公

不可干以

私漢書云尹翁歸為東海太守過辭廷尉于定國定國家在東海欲屬託邑子兩人令坐後堂待見定國與

翁歸語終日不敢見其邑子既去定國乃謂邑子曰此賢將汝不任事也又不可干以私

亭長白

奴鄧弘賞之

東觀漢記鄧弘傳弘字叔紀和熹后兄也
奴辭繫長壽亭弘見亭長賞錢五千勵之

曰健直

當然

不吐剛而諂上不如柔而黷下

漢陽太守銘
敷方足以正

衆邪肅清足以

志在奉公

前漢蓋寬饒為人剛
直高節志在奉公

公

濟殊俗云云

正不私

前漢朱邑為人醇厚篤於故舊然
性公正不可交以私天子器之

常無私於

上均恩澤於下

劉向諫成帝云聖人即天地以耀物常
無私於上均恩澤於下協和萬邦蒸民

無怨用能隆興

太子賂遺鄭衆不受

後漢鄭衆字
仲師建武中

嗣與天無窮也

皇太子及山陽王荆及虎賁中郎將梁松以繡帛聘請
衆欲為通義引籍出入殿中衆謂松曰太子儲君無外

交之義漢有舊防藩王不

奉法不避

後漢祭遵為軍
市令舍中兒犯

宜私通賓客遂辭不受

法遵格殺之光武怒命收遵時主簿陳副諫曰明公常欲眾軍整齊今遵奉法不避是教令所行也光武乃賞之以為刺姦將軍謂諸將曰吾舍中兒犯法尚殺之必不私諸卿矣

刺舉無避

漢書諸葛豐以

明經為郡文學名特立剛直

正色當階

續漢書趙熹為太尉受遺

為司諫校尉刺舉無所避

詔典喪禮時承王莽之亂國無舊典皇太子與諸王等離止同席熹乃正色橫劍殿階扶下諸王以明尊卑也

執法守正

東觀漢記云永平中車駕出信陽侯陰就干車騎干鹵簿車府令齊國徐匡鈞就車

駕故收送獄詔書遣匡匡自繫獄吳良上言信陽侯驕無人臣禮匡執法守正而下獄恐政化由是而隋詔出

左遷昂

以言受進終不肯謁

東觀漢記吳良字大義齊國人為郡吏歲旦與

丘長

掾吏入賀門下掾王望舉觴上壽諂稱太守功德良於下坐勃然作色進曰望佞邪之人欺諂無狀願勿受其

觴太守斂容而止讌罷轉良為功曹良恥以言受進終不肯謂

無所屈撓

後漢申屠剛為尚書

令蹇諤直言

不避強禦

後漢書鮑永傳永為司隸校尉鮑恢為都官從事恢亦抗

無所屈撓

直不避強禦帝常曰貴

不畏豪族

謝承後漢書王闕傳云吳郡王闕字

威且宜斂手以避二鮑

公選少為小吏慷慨有大節為冀州刺史冀人強悍又多豪傑閱欲厲威乘傳到州彈治貪濁性廉克不發私

書不畏豪族號

曰王獨坐也

飲者私恩案者公法

續漢書蘇章為冀州刺史詳刺

史以清減責辭疾不聽

後漢宦者傳云刺史二千石遷除皆責助軍修宮錢大郡

至二三千萬時鉅鹿太守河內司馬直新除以有清名減責三百萬直被詔悵然曰為民父母而反割剝百姓

以稱時求吾不忍也辭疾不聽

詣謝不見

後漢蓋勳初為漢陽刺史時武威太守貪橫從事蘇

正和按致之涼州刺史梁鵠畏貴戚欲殺正和乃語勳
勳素與正和有隙諫鵠曰貪鷹欲鷙而烹之何哉鵠從
之不殺正和正和詣勳不見曰
吾為梁使君謀不為蘇正和
雖同歲子所不能赦

汝南先賢傳云黃浮為濮陽令同時子為市掾犯罪當
死一即望浮為主浮曰周公誅二弟石碯討其子今雖
同歲子所不能赦遂竟治之
不以私好害公義
東觀漢記陰興盡忠竭思不以私好

害公義興與同郡張宗上谷鮮于褒不相好知其有用
猶稱所長而達之友人張汜杜禽與興厚善以為華而
少實但私之以財終不為言也
言事無所依違
東觀漢記第五倫傳云倫為司空奉公不

撓言事無所依違
孟玉亢直不恤其親
風俗通曰樂安周糾字孟玉為大將軍掾

弟子使客殺人捕得太守盛亮陰為留宿糾亦自劾去
詣府亮與相見不乞請又不辭謝亮告賓客周孟玉欲

作亢直不恤其親我何能枉憲乎遂斃于獄弟婦不哭死子而哭孟玉

市無阿枉後漢第五

倫為督鑄錢掾領長安市倫平銓衡正斗斛市無阿枉百姓悅服

答齋書陳蕃字仲舉為樂安

守梁冀遣人齋書有請托不通使者以詐為謁蕃笞殺之左遷修武令

投囑書任棠為太守有

人囑書投之於水

不受私謁

後漢揚震傳云震公廉不受私謁

不發私書

後漢樊準為州從事臨職公正不發私書

不通書記

後漢王龔為太尉在位恭慎自非公事不

通州即書記

周澤收妻自劾

後漢周澤為太常常卧病齋宮其妻哀澤老病窺問所苦

澤大怒收妻詣獄内自劾

斷絕書屬

後漢河東太守史弼被詔舉孝廉弼知權貴多請託弼乃

預敕斷絕書屬中常侍侯覽果遣諸生齋書詣之積日不得通生乃託以他事謁弼弼怒曰太守忝荷重任當

選士報國爾何人而偽詐無狀即日考殺之

當朝正色

會稽典錄云魏朗字少英上虞人轉

功曹書佐功曹史吳翁被裘以加朝朗以裘非臣服非翁不敬敕卒徹去府君嘉朗當朝正色有不撓之節遂

退翁以朗代之也

得屬託書一無所發

魯國先賢傳云孔翊字元恕為洛陽令置

水前庭得屬託書皆投水中一無所發又益部耆舊傳云趙瑛字稚圭為青州刺史凡得屬託書於庭事置大器水悉投置水中一無所發

因書於令拒而不受

續漢書袁安傳云安字邵公質

性清嚴不交異類為功曹奉檄謁從事從事因安致書於令安曰公事自有郵驛私請則非功曹所持拒而不受

不敢以私人

謝承後漢書范滂傳云太守宗資署滂功曹滂外甥西平李頌為鄉曲所

棄中常侍唐衡書屬宗資資敕功曹占署文學滂不聽曰頌則滂之姊子豈不樂其仕進但頌誇穢小人不宜

玷污清朝不敢以私人

所爭者私情所陳者國事

後漢書袁紹傳云官渡敗

審配二子為曹操所擒逢紀與配不睦紹以問之紀對

曰配天性烈直每所言行慕古人之節不以二子在南

為不義也紹曰君不惡之耶紀對

曰先所爭者私情今所陳者國事

曰荀彧折節侍王坐不累席

在於臺閣不以私欲撓意

致貨因市皆以挂壁

魏志

陳泰傳云泰字元伯為匈奴中郎將京邑貴人多寄寶

貨因泰市奴婢泰皆以挂之於壁及徵為尚書悉以還

之

吳質統事崔林不及奉箋

魏志崔林傳云文帝踐

郎將吳質統河北軍事涿郡太守王雄謂林別駕曰吳

中郎將仗節統事州郡莫不奉箋而崔使君初不與相

聞別駕具以白林林曰刺史視

棄此州如脫屣寧當相累耶

貴其公亮

魏志崔琰傳云魏國

初建未立太子臨淄侯植有才而愛太祖狐疑以函令
密訪於外唯瑛露板答曰春秋之義立子以長加五官
將仁孝聰明宜承正統植瑛
之兄女婿也太祖貴其公亮

益時者雖讐必賞犯法

者雖親必罰

蜀志陳壽評曰諸葛亮之為相國也撫百姓示儀軌約官職從權制開誠心布公道

盡忠益時者雖讐必賞犯法怠慢者雖親必罰
服罪輸情者雖重必釋游辭巧飾者雖輕必戮

不作

輕重

諸葛亮書云吾心如秤不能為人作輕重

周谷能欺孫權更薄不用

詳簿

掾書言甘露鄭敬獨曰樹汁

汝南先賢傳云新蔡鄭敬為郿都尉

高臺廳事前槐樹白露頽甘者臺問掾屬皆言是甘露
敬獨曰明府政未能致甘露但樹汁耳臺不悅因托疾
而去
太守敕除道周規拒而不聽
會稽典錄云周規為臨湘令長沙太守丹

陽徐祝二月行縣以草穢敕縣除道路規以
方農作時損夫力拒而不聽遂棄官而去

郎君升

危包咸遂杖二十

吳錄云包咸吳郡人黃府君署戶曹
府君行春咸留守即君緣樓探雀卵

咸責數之以春月不宜破卵
升危非子道也遂杖二十

公會相見退無私面

吳志

諸葛瑾傳云孫權遣瑾使蜀通好劉
備與弟亮公會則相見退無私面

總天下當與天

下同心

徐野民晉紀云劉弘字季和為荊州刺史上表
以皮初任襄陽上以為襄陽顯郡初資名未允

以弘壻夏侯涉為之弘曰夫總天下者當與天下同心
理一國與一國推實吾總荊州安得十女壻然後為治

乎
平役均賦抑強扶弱

王彪之臨會稽教云平役均
賦則民皆來蘇抑強扶弱則

眾無冤
訟矣

直繩者枉木所憎清公者姦慝所讐

抱朴子
名實篇

云

劉毅自表戒齋

晉書劉毅為司隸校尉曾齋而疾其妻出省劉毅自表戒齋

水至平而邪者取法鏡至明而醜者亡怒

習鑿齒曰夫水至平而邪

者取法鏡至明而醜者忘怒水鏡之所以窮物而無怨者以其無私也水鏡無私猶以免謗况大人君子懷樂生之心流矜恕之德法行於不可不用刑加乎自犯之罪爵之而非私誅之而不怒天下有不服者乎

剛正直繩

王隱晉書傅咸傳云張華建議起咸為司理校尉固辭不免乃力疾視事每剛正直繩師

師嚴

雅然正色

傅咸中郎將曹府君碑云伊公立朝雅然正色既侍皇惟謹言常則

正身率下

晉諸公贊李胤為吏部尚書正身率下職不輕撓

陶丹責任子

晉書

陶丹子操任在武昌私還視丹病丹遣人責之曰朝廷以我為邊將取汝為任而敢越法移行速還前任竟不

見也 任公平而塞私謁 王隱晉書李重傳云重字茂曾遷尚書吏部郎詢朝衆而抑爭

競任公平而塞私謁是以羣才罔不 畢舉又特留心隱逸海內莫不歸心 殺卿者刺史哭

弟者道將 干寶晉紀云苟晞為兗州刺史從母有子坐事從母向晞流涕叩頭中外皆乞終不得生

死後哭之甚悲曰殺卿者兗 州刺史哭弟者苟道將也 增願陛下慎之 冊府元龜云唐

杜正倫為給事中兼知起居注太宗謂侍臣朕每日坐 朝不敢多言正倫進曰君舉必書言存左史陛下若一

言乖於道理則千載累 於聖德願陛下慎之 挺持曲直 又云唐李義琰為太原尉時李勣為

并州都督僚吏皆望風懼服 義琰獨挺持曲直勣甚禮之 不交一言 續問奇類林云宋璟當則

天朝舉朝謹事張易之兄弟璟獨不為禮玄宗朝召璟 留守西京使內臣揚思勗馳驛往迎在塗竟不交一言

思勗歸訴上

嗟歎良久

拒武三思

冊府元龜曰宋璟檢校貝州刺史時河北頻遭水潦百姓

饑饉梁王武三思恃寵專權有私

撲殺王慶之

奇類

封在貝州徵其賦璟拒而不與

林云李昭德反周為唐之功不在狄仁傑下方武后盛

時朝廷使洛陽王慶之率象數百上表請立武承嗣為

太子一日慶之忤旨命昭德典杖昭德引示朝

臣曰此賊欲廢我皇嗣立武承嗣即撲殺之

彌切 冊府元龜云徐弘敏字有功為司刑寺丞時酷吏

周興來俊臣丘神勣王弘等搆陷無辜皆抵極法

公卿莫敢正言有功獨論奏曲直武后

厲色詰之有功神色不撓爭之彌切

忤上得罪所

甘心也 又云韓休為虢州刺史地在兩京之間駕在京

能救百姓之弊何以為政忤上

得罪所甘心也竟執奏獲免

縣令敢拒大夫命 又

揚瑒為麟遊令時御史大夫竇懷貞檢校造金仙玉真
二觀移牒近縣徵所隱逆人資財以充觀用瑒拒而不
受懷貞怒曰焉有縣令敢拒大夫之命瑒曰
所論為人寬抑不知計位高卑貞壯其對
恐非保

人之術

又云中宗時韋庶人上表請以年二十二為丁
限及韋氏敗有司舉徵租調瑒曰韋庶人臨朝

當國制書非一何獨於已役中男重徵丁
課恐非保人之術省司遂依瑒所執免之

中立正色

又云孟簡為倉部員外郎屬順宗登極王叔文竊政為
戶部侍郎簡為其屬獨中立正色挺然不附叔文心思

之而不
敢退黜

領考功事

又云趙宗儒為司勳員外領考功
事定內外百吏考績黜陟公當無

所畏避還
考功郎中

妻老且醜

又云張萬福為泗州刺史時德
宗幸奉天陳少遊悉令管內刺

史送妻子揚州以為質萬福獨不肯送謂使者
曰為某白相公萬福妻老且醜不足煩相公寄

唯唯

不往彙苑詳注云京兆尹李實曰韋純與我同里素聞其賢願識之而進於上或者喜以告曰子今日詣

實明日賀者至矣純

唯唯不往官亦不違

居中無違附

太平御覽云武元
衛為門下侍郎平

章事宰相李吉甫李絳互以事理曲

直於憲宗前元衡居中無所違附

出付御史臺

冊

元龜云孔戣為尚書左丞信州刺史李位為州將韋岳

讒譖于本使監軍以圖不軌追至京師鞠於禁中戣奏

曰刺史得罪合歸法司按問不合勅

禁賣人口

又曰孔戣

於內仗乃出付御史臺鞠得其狀

為廣州刺史先是帥南海者京師權要多托

盧從史

賣南人為奴婢戣不受托至郡禁絕賣人口

有賢佐

韓愈墓銘云昭義節度盧從史有賢佐曰孔戣
從史為不法君陰爭不從則肆言以折之從史

羞面頸發赤抑首伏

將加害者數四

冊府元龜云賈
直言生河朔間

氣不敢出一言以對

始以孝聞鄉里得蓋士類後為李師道賓佐

頗以逆順之理規正之師道將加害數四

回又云崔祐甫為永平軍行

不附李實

又云揚於陵為中書舍人

時李實為京兆尹恃承恩寵於陵與給事中許孟容俱

不附叶遂為實媒孽孟容改太常少卿於陵改秘書少

監風采動一時

孔帖云崔咸為御史處

謝絕揚國

忠

又云薛苹父順為奉天尉與揚國

忠有舊及用事將引之輒謝絕

清正見知

云王及善為內史雖無學術在官每以清正見知

均一貧富

冊府元龜曰李遜為越州刺史

為政以均一貧富扶弱抑

杜棕語塞

彙苑詳注云太和唐持為渭

南尉試京兆府進士時京兆尹杜棕欲

以親戚託之時輒趨降階伏棕語塞

至輔相而四

方無田園

事文類聚云真宗謂輔臣曰畢士安飭躬畏謹有古人之風遽此淪沒深可悼惜王旦等

對曰士安官至輔相而四方無田

正色待太后內侍

園帝感歎賜其家白金五十兩

又云章得象為翰林學士時莊獻太后每遣內侍至學士院得象必正色待之不交一言仁宗聞而器之至是

謂曰向者太后垂簾惟卿清忠

默識范理

續問奇類林云揚文

無所阿附今日用卿職由此也

定公溥執政時其子自鄉來省至京邸公問曰一路守

令孰賢其子曰兒道出江陵令殊不賢曰云何曰即待

兒苟簡甚矣乃天台范理也

公默識之即薦陸德安邵守

公正四

增詩唐王炎行不由徑詩曰邪徑趨時捷端心惡此名

長衢貴高步天路自規行且避縈紆僻將求坦蕩情豈
同流俗好方保立身貞遠跡如違險修仁在履平始知
夫子道從此得堅誠

增墓誌唐杜牧宣州觀察使韋公墓誌銘曰公諱溫字
弘育遷給事中皇太子侍讀公辭自宰相下皆曰帝以
一子請教於先生是宜避耶公不聽凡拜送三章帝終
不能奪靈武節度使王晏平罷貶康州司戶不旬日改
撫州司馬僊韶院樂官尉遲璋授光祿長史晏平以財

交貴偉璋大有寵於上公皆封詔書上還竟以康州還
晏平璋免長史莊恪太子得罪上召東西省御史中丞
郎官於內殿悉疏莊恪過惡欲立廢之曰是宜為天子
乎羣公低首惟公獨進曰陛下唯一子不教陷之至是
太子豈獨過乎上意稍平

御定淵鑑類函卷一百二十七

謹案卷一百二十六第六頁後八行謂諸侯及夫
人世子過其國之市刊本夫人訛大夫據周禮

注改

第八頁前一行振讀為衿刊本讀訛潰據周禮注
改

第十九頁前一行摘檢無所遺刊本檢訛粉據唐
書改

第二十四頁後七行歲一會者君也刊本會訛言

據管子改

卷一百二十七第十六頁後八行上奏太守刊本
上奏訛奏之據後漢書改

第二十三頁後二行太叔游楚之兄弟也刊本之
訛王據左傳注改





總校官庶吉士 臣 張能照

校對官檢討 臣 王福清

謄錄監生 臣 王世臣